



16
2692
11



李太白文集卷之二十八

錢塘

王琦琢嵯輶

註

趙樹元石堂較

記頌讚共二十首

縣廳壁記

元和郡縣志任城縣本漢縣也屬東平國古任國太吳之後風

姓也傳二十一年左傳曰在宿須句皆風姓也實司太皞與有濟之祀註曰任城縣也魏志曰文帝封鄆陵侯彰為任城王齊天保七年移高平郡於此任城縣屬焉隋開皇三年罷高平郡縣屬兗州○任音壬

風姓之後國為任城蓋古之秦縣也

文苑英華作蓋秦之古縣也

在禹貢則南徐之分當周成

文苑英華

迺東魯之邦

昭和九年十一月二十二日購求

門 16
號 2692
卷 11

李太白文集

自伯禽到於順當作公三十二當作代遭楚蕩滅因

文苑英華屬楚焉炎漢之後更為郡縣隋開皇三年廢

高平郡移任城於舊居邑乃文苑英華雖屢遷井則不改

元和郡縣志兗州魯郡禹貢兗州之域兼得徐州之

地春秋時為魯國按史記封周公且於曲阜是為魯

公周有考公揚公幽公魏公厲公獻公真公武公懿

其後有公惠公隱公桓公莊公閔公僖公文公宣公成

公襄公昭公定公哀公悼公元公穆公共公康公景

魯起周公至頃公凡三十四世謂三十四君也自伯

禽起至頃公當云三十三世此云順公魯境七百里

又有十一縣任城其衝要東盤琅邪西控鉅野北走

厥國南馳互鄉青帝太臯之遺墟白衣尚書之舊里

土俗古遠風流清高賢良間生掩映天下按元和郡

州境東西三百三十一里南北三百五十三里管縣

十一瑕丘金鄉魚臺鄒縣龔丘乾封萊蕪曲阜泗水

任城中都今新舊唐書所載只十縣以貞元中割中

都入鄆州故也漢書齊地東有淄川東萊琅邪高密

膠東趙岐孟子註琅邪齊東境上邑也唐時以河南

道所屬之沂州為琅邪郡其地正在魯郡之東相去

三百八十里水經註何承天曰鉅野湖澤廣大南通

涿泗北連清濟舊縣故城正在澤中故欲置戍於此

城城之所在則鉅野澤也衍東北為大野矣昔西狩

獲麟於是處也元和郡縣志大野澤一名鉅野在鄆

州鉅野縣東五里南北三百里東西百餘里爾雅十

數魯有大野西狩獲麟於此澤琦按魯郡之東與鄆

州接壤乃鉅野澤之故區但屢遭河患沖決填淤高

下易形潤為平陸迄今畔岸不可復識矣章懷太子

後漢書註東平陸縣名古厥國也屬東平國今兗州

平陸縣地太平寰宇記鄆州中都縣古中都之地漢

為東平陸縣屬東平國亦古之厥國地今邑界有厥

亭存太平寰宇記徐州沛縣合鄉故城古互鄉之地

卷二十八

按劉芳徐州記云古之五鄉蓋孔子云難與言者又曰五鄉在陳州項城縣北一里古老傳云五鄉之地一統志五鄉在河南開封府商水縣論語云五鄉難與言即此古今言五鄉者凡三處今考魯郡之南與徐州接壤則此文所指與沛縣之五鄉為合獨斷註青帝太昊木行三皇本紀太皞庖犧氏風姓代燧人氏繼天而王都於陳其後裔當春秋時有任宿須句顓臾皆風姓之亂也後漢書鄭均字仲虞東平任城人帝東巡過任城乃幸均舍勅賜尚書祿以終其身時人號為白衣尚書地博厚川疎明漢則名王分茅魏則天人列士所以代變豪侈家傳文章君子以才雄自高小人則鄙朴難治後漢書任城元初六年封食任城亢父樊三縣魏志况其城池爽任城威王彰黃初三年立為任城王

塏邑屋豐潤香閣倚日凌丹青而欲飛石橋橫波驚彩虹而不去其雄麗坵坵有如此焉左傳請更諸爽塏者杜預註爽

明塏燥也正義曰塏高地故為燥也香閣見二十一卷註梁武帝詩青城接丹霄金樓帶紫烟賈誼賦大鈞播物坵坵無垠劉良註坵坵無涯際也楊雄甘泉賦據軫軒而周流兮忽坵坵而無垠李善註坵坵廣大貌漢書作軼軼顏師古註軼軼遠相映也○塏音愷坵音央坵音札故萬商往來四海縣歷實泉貨之橐籥為英髦之咽喉故資大賢以主東道製我美錦不易其人今鄉二十六戶一萬三千三百七十一帝擇明德以賀公宰之東道見十卷註製錦見九

卷註公溫恭克修儼碩有立季野備四時之氣士元非百里之才撥煩彌閑剖劇無滯鏞百發克破於楊葉刀一鼓必合於桑林寬猛相濟弦韋適中一之歲肅而教之二之歲惠而安之三之歲富而樂之然後青

矜向訓黃髮履禮耒耜就役農無遊手之夫杼軸和
 鳴機罕嘖哦之女物不知化陶然自春權豪鋤縱暴
 之心黠吏返淳和之性行者讓於道路任者併於輕
 重扶老携幼尊尊親親千載百年再復魯道非神明

博遠孰能契于此乎

詩國風有美一人碩大且儼毛傳曰儼矜莊貌世說謝太傅絕

重褚公常稱褚季野雖不言而四時之氣亦備三國志龐統以從事守未陽令在縣不治免官吳將魯肅遺先主書曰龐士元非百里才也使處治中別駕之任始當展其驥足耳南史邱仲孚為山陰令長於檢煩善適權變吏人敬服號稱神明廣韻鑄箭鏃也漢書養由基楚之善射者也去楊葉百步百發百中楊葉之大加百中焉可謂善射矣鼓刀以刀擊物也合於桑林之舞庖丁事見十卷註上句喻其舉措無不中理下句喻其謀猷無不合宜左傳政寬則民慢慢則糾之以猛猛則民殘殘則施之以寬寬以濟猛猛以濟寬政是以和韓非子西門豹之性急故佩韋以自緩董安於之性緩故佩弦以自急華陽國志西門豹佩韋以自寬宓子賤帶弦以自急毛萇詩傳青衿青領也學子之所服論衡人少則髮黑老則髮白白久則黃顏師古漢書註黃髮老稱謂白髮盡落更生黃者韻會柄曲木曰耒耒端曰耜易斷木為耒剡木為耜家語虞芮二國爭田而訟連年不決乃相謂曰西伯仁人也盍往質之入其境則耕者讓畔行者讓路禮王制輕任并重任分正義曰任謂有擔負者俱應擔負老少並輕則併與少者擔之老少並重不可併與少者一人則分為輕重與少者輕與老者漢書魯瀕洙泗之水其民涉度幼者扶老而代其任淮南子太公問周公曰何以治魯周公曰尊尊親親太公曰魯從此弱矣

東蒙竊聽輿論輒記於壁垂之將來俾後賢之操刀

知賀公之絕跡者也

太平寰宇記東蒙山在沂州費縣西北七十五里以其在蒙山

之東故曰東蒙晉書王沉傳自古賢聖樂聞誹謗之言聽輿人之論操刀而割見九卷註

趙公西侯新亭頌

惟十有四載皇帝以歲之驕陽秋五不稔乃慎擇明

牧恤南方凋枯伊四月孟夏自淮陰遷我天水趙公

作藩於宛陵祇明命也廣韻稔歲熟也廣雅秋穀熟也謝朓詩危顛宗袞微管

寄明牧左思詩俛仰生榮華咄嗟復凋枯晉書陶侃傳作藩於外八州肅清唐時楚州淮陰郡治山陽縣屬淮南道宣州宣城郡治宣城縣屬江南西道按宣城郡本漢之丹陽郡宣城縣本漢之宛陵縣今為寧國府地太白稱宛陵蓋惟公代乘天憲作程繆本南本漢縣名也○稔音祗

臺洪柯大本聿生懿德宜乎哉橫風霜之秀氣鬱王

霸之奇略初以鐵冠白筆佐我燕京威雄振肅虜不

敢視而後鳴琴二邦天下取則起草三省朝端有聲

天子識面宰衡動聽殷南山之雷剖赤縣之劇強項

不屈三州所居大化咸列碑頌後漢書李周翰註天

憲謂帝王法令也通典御史所居之署漢謂之御史府亦謂之御史大夫寺亦謂之憲臺後漢以來謂之御史臺亦謂之蘭臺寺梁及後魏北齊或謂之南臺後魏之制有公事百官朝會名簿自尚書令僕以下悉送南臺胡三省通鑑註御史臺謂之南臺杜佑曰御史臺在宮闕西南故名南臺陶潛詩洪柯百萬尋森散覆賜谷詩周頌我求懿德鄭箋曰懿美也鐵冠白筆見十一卷註陶潛詩君子死知已提劍出燕京說死必子賤治單父彈鳴琴身不下堂而單父治唐以尚書省中善省門下省為三省晉中興書謝安石上疏曰尸素朝端忽焉五載宰衡相臣也見十二卷註詩名南殷其雷在南山之陽又喻其在於外也鄭箋曰雷以喻號令於南山之陽又喻其在於外也鄭大夫以王命施號令於四方猶雷隱然發聲於山之陽赤縣強項令俱見十二卷註金石錄淮陰太守趙悅遺愛碑張楚金撰行書天寶十四載立其二州碑

李太白文集

卷二十八

五

頌無 至於是邦也酌古以訓俗宜風以布和平心理

考 人兵鎮唯靜畫一千里時無莠言 漢書蕭何為法講若畫一顏師古曰

畫一言整齊也詩小雅莠言自口毛傳曰莠醜也 退公之暇清眺原隰以此

郡東塹巨濠西襟長江咽三吳扼五嶺輶軒錯出無

旬時而息焉出自西郭蒼然古道道寡列樹行無清

陰至有疾雷破山狂飈震壑炎景爍野秋霖灌途馬

逼側於谷口人周章於山頂亭候靡設逢迎缺如 詩

風自公退食小雅皇皇者華於彼原隰毛傳曰高平曰原下濕曰隰三吳見八卷註五嶺見十八卷註輶

軒使車也見九卷註莊子疾雷破山風震海而不能驚曹植詩寒水辟炎景涼風吹我身莊子秋水時至

百川灌河子虛賦偏側泌瀾顏師古曰逼側相逼也楚辭聊翔翔兮周章王逸註周章猶周流也呂向註

周章往來迅疾貌後漢書光武紀築亭候 自唐有天

修烽燧章懷太子註亭候伺候望敵之所 下作牧百數因循齷齪罔恢永圖及公來思大革前

弊實相此土陟降觀之壯其迴崗龍盤沓嶺波起勝

勢交至可以有作方農之隙廓如是管遂鏟崖 繆本崖字

下多一 堙單驅石剪棘削污壤塔高隅以門以墉乃

棟乃宇儉則不陋麗而不奢森沉閉閤燥濕有庇若

鰲 郭本 之湧如鵬斯騫縈流鏡轉涵映池底納遠海

之餘清瀉連 郭本 峰之積翠信一方雄勝之郊五馬

踟躕之地也 韻會疑疑急促局隘貌詩小雅賁然來思大雅陟則在巘復降在原鄭箋曰陟

升也降下也廣韻墉垣也鮑照詩銅溪畫森沉左傳高其閤閤孔穎達正義說文云開門也汝南平輿里

門曰開釋官云衙門謂之閣李巡云衙頭門也然則
開閣皆門名言高為其門耳左傳吾儕小人皆有闕
廬以辟燥濕寒暑古羅敷行使君長史齊公光又人
從南來五馬立踟躕○開音岸

倫之師表司馬武公幼成衣冠之髦彥錄事參軍吳

鎮宣城令崔欽令德之後良材間生縱風教之樂地

出人倫之高格卓絕映古清明在躬僉謀僨功不日

而就忽郭本也伊二公之力歟按唐書首官志

下有長史一人司馬一人錄事參軍

典宗為郢州引沈約為安西列兵參軍兼記室與

不紀思所以登顯髦彥式備周行詩小雅顯名君子

是禮記清明在躬氣志如神正義云言聖人清靜光

工方鳩勳功孔傳曰僨見也音釋僨馬云具也

音棧與總同過客沉吟以稱嘆邦人聚舞以相賀僉曰我

趙公之亭也群寮獻議請因謠頌以名之則必與謝

公北亭同不朽矣白以為謝公德不及後世亭不留

要衝無勿拜之言鮮登高之賦方之今日我則過矣

太平寰宇記北亭在温州北五里枕永嘉江謝靈運

能郡於北亭與吏民別詩云前期已住後會邈無

因詩國風蔽芾甘棠勿剪勿敗詩外傳孔子遊於景山之上子

之言故也施士丐曰如人身之拜小低屈也嚴粲曰

挽其枝以至地也韓詩外傳孔子遊於景山之上子

路子貢類淵從孔子曰君子登高必賦小子願言者

何其願丘敢詢耆老而作頌曰

蹴耽高亭趙公所營如鼇背突兀於太清如鵬翼開

張而欲行趙公之宇千載有覩必恭必敬爰遊爰處

瞻而思之罔敢大語趙公來翔有禮有章煌煌鏘鏘

如文翁之堂清風洋洋永世不忘張衡西京賦大厦

深遂貌水經註文翁為蜀守立講堂作石室於南城

太平寰宇記文翁學堂一名周公禮殿華陽國志云

文翁立學講堂精舍作石室一作玉堂在城南安帝

永初後學堂遇火太守陳留高朕更修立又增造一

石室在豫云其樂爐節制猶古建堂基高六尺夏屋

三間通昔圖畫古人之像及禮器瑞物堂西有二石

李膺記云後漢中平火延學觀廟廊一時蕩

盡惟此堂標煇不及構制雖古巧異特奇

崇明寺佛頂尊勝陀羅尼幢頌

并序○梵語陀羅尼者華言總

持謂總統攝持無有遺失即呪之別名也法苑珠林陀羅尼者西天梵音東華人譯則云持也

持善不失持惡不生幢者釋家旛蓋之類此以石為幢形而刻呪字於其上即謂之幢也○

共工不蠲山崩皇不補天其蠲波汨川流伯禹

不治水萬人其魚乎禮樂大壞仲尼不作王道其昏

乎而有功包陰陽力掩造化首出衆聖卓稱大雄彼

三者之不足論衡儒書言共工與顓頊爭為矣

折地維絕女媧銷煉五色石以補蒼天斷鯀足以立

西極天不足西北故日月終焉地不足東南故百川

注焉左傳劉子曰美哉禹功明德遠矣微禹吾其魚

乎法華經大雄猛世尊諸釋之法王○鳩音戈汨音

粵有我西方金仙之垂範覺曠劫之大夢碎群愚

之重昏寂然不動湛而常存使苦海靜滔天之波疑

山滅炎崑之火囊括天地置之清涼日月或墜神通

自在不其偉與宋書謝靈運傳方軌前秀垂範後昆

涅槃經我曠劫來已入大寂王中頭

隆寺碑文瞻慧日於康衢則重昏易曉李善註頭陀
經心王菩薩曰我見覆蔽飲雜毒酒重昏常寢云何
得昏慈心示語使得開解易繫齋寂然不動感而道
通天下之故南齊書顧歡傳仙化以變形為上泥恒
以陶神為先變形者白首還滿而未無死陶神者
使塵惑日損湛然常存梁簡文帝唱導文苦海易沉
慈波空蕩書堯典浩浩滔天天下民其咨亂征火炎豈
剛玉石俱焚賈誼過秦論囊括四海之意說文偉奇
也魯郡崇明寺南門佛頂尊勝陀羅尼石幢者蓋此
都之壯觀昔善住天子及千大天遊於園觀又與天
女遊戲受諸快樂即於夜分中聞有聲曰善住天子
七日滅後當生七反畜生之身於是如來授之吉祥
真經遂脫諸苦蓋之天徵一作為大法印不可得而
闡也我唐高宗時有闕賓桑門持入中土猶日藏大

寶清園虛空檀金淨彩人皆悅見所以山東開郭本作闡
士舉國而崇之時有萬商投珍士女雲會衆布蓄吝
如陵琢文石於他山聳高標於列肆鑱珉錯綵為鯨
為螭天人海怪若叱若語貝葉金言刊其上荷花水
物形其隅良工草萊獻技而去大般若經是如來真
實法印亦是一切聲
聞緣覺真實法印翻譯名義佛陀波利闍賓國人志
身狗道遍觀靈跡聞文殊師利在清涼山遠涉流沙
躬來禮謁高宗儀鳳元年杖錫五臺虔禮聖容忽見
一翁從山出來作婆羅門語謂波利曰師何所求波
利曰聞文殊隱此欲求瞻禮翁曰師將佛頂尊勝陀
羅尼經來不此土衆生多造諸罪佛頂呪乃除罪秘
方若不將經徒來無益縱見文殊未必能識可還西
國取經傳此弟子當示文殊所在波利作禮舉頭不
見老人遂反本國取得經來狀奏高宗遂令杜行顓
及日照三藏於內共譯經留在內波利泣奏志在利

人請布流行帝啟專志遂留所譯之經還其梵本波
利將向西明與僧順貞共譯佛頂尊勝陀羅尼經所
願已畢持經梵本入於五臺不出唐書西域傳罽賓
隋漕國也居葱嶺南距京師萬二千里而贏南距舍
衛三千里王居修鮮城常役屬大月氏地暑濕人乘
象俗治浮屠法魏書釋老志諸服其道者則剃落鬚
髮釋果辭家結師資遵律度相與和居治心修淨行
乞以自給謂之沙門或曰桑門亦聲相近總謂之僧
皆胡言也僧譯為和命衆桑門為息心王摩尼寶餘
華嚴經譬如天上閻浮檀金惟除心王大摩尼寶餘
寶無及者開士有德行之僧詳見二十一卷註詩小
雅如岡如陵山海經瞻諸之山其陽多金其陰多文
石詩小雅他山之石班固西都賦遊士擬於公侯列
肆侈於姬姜呂向註肆市也說文螭若龍而黃北方
謂之地螻從虫离聲或云無角曰螭丑知切酉陽雜
俎只多出摩伽陀國長六七丈經冬不凋此樹有三
種一者多羅婆力父貝多二者多梨婆力父貝多二
名部闍婆力父貝多多羅多梨並書其葉部闍一色
取其皮書之貝多是梵語漢翻為葉婆力父貝多者
漢言樹葉也西域經書用此三種皮葉若能保護赤

得五六
百年
聖君垂拱南面穆清而居大明廣運無幽不

燭以天下所立茲幢多臨諸旗亭喧囂湫隘本非經

行網繞之所乃頒下明詔令移於寶坊吁百尺中標

矗若雲斷委翳苔蘚周流星霜俾龍象興嗟仰瞻無

地良可嘆也垂拱見二十卷註穆清見一卷大獵

綜曰旗亭市樓也立旗於上故取名焉左傳景公欲

更晏子之宅曰子之宅近市湫隘囂塵不可以居杜

預註湫下隘小器聲塵土也經行謂僧衆週幢循行

所以致其敬禮之心網繞謂以網圍繞其幢所以使

鳥雀不得棲止汚穢梁簡文帝答湘東王書鳴銀鼓
於寶坊轉金輪於香地西方供佛官殿以七寶增飾
故謂僧坊曰寶坊韻會翳隱也庵音記我太官廣武
也龍象高僧也見十二卷註○廟音記

伯隴西李公先名琬奉詔書改為輔其從政也肅而

寬仁而惠五鎮方牧聲聞於天帝乃加剖竹於魯魯道粲然可觀方將和陰陽於太階致吾舊本少吾字今從劉本

君於堯舜豈徒閉閣坐嘯鴻盤二千哉乃再崇厥功

發揮象教廣武縣名隸隴右道之蘭州乾元二年更

唐陳五州刺史也所謂剖竹於魯又為魯郡都督也

見後虞城令李公去思碑但碑文之名作浦頌文之名作輔未知孰是孰訛左傳晉公子其從者肅而寬

忠而能力杜預注肅敬也後漢書劉寵徐東平陵令

以仁惠為吏民所愛剖竹見十一卷註太階見一卷

明堂賦註爾雅小閨謂之閭說文閭門旁戶也後漢

書吳祐遷膠東相政惟仁簡以身率物民有爭訟者

輒閉閣自責然後斷其訟以道譬之此用其字却另

作閉門不理事解坐嘯見十四卷註周易漸卦六二

鴻漸於磐飲食行行吉下弼註磐山石之安者也進

而得位居中而應本無祿養進而得之其為歡樂願

莫大焉鴻磐二千謂以二千石之職為冥安之地也

玉山觀陀寺碑文正法既沒象教陵夷李周李周

長史盧公司馬李公等咸明明在公綽綽有裕朝大

國之寶鐘元精之和榮兼半刺道光刻岳才或大而

用小識無微而不通政其有經談豈更僕唐制魯郡

府設長史一人從三品司馬二人從四品下詩魯頌

夙夜在公在公明鄭箋曰言時臣憂念君事早起

夜寐在於公之所在於公之所但明義明德也詩小

雅此令兄弟綽綽有裕毛傳曰綽綽寬也裕饒也後

漢書元精所生王之佐臣章懷太子註元精蔡邕陳太

謂天之精氣論衡天稟元氣人受元精蔡邕陳太

碑文含元精之和應期運之數呂向註元精大道也

北堂書鈔庾亮答郭豫書曰別駕舊與刺史別乘人

宣王化於萬里者其在居別駕皆為長史徐陵為陳

唐書百官志高宗即位改別駕皆為長史徐陵為陳

武帝與嶺南酋豪書身居列岳自御強兵禮記遽數

之不能終其物悉數之乃留更僕未可終也孔穎達

正義更代也言若委細悉說之則大久僕侍
有律師
道宗心總群妙量包作苞大于日何瑩而常明天不
言而自運識岸浪注玄機清發每口演金偈舌搖電
光開關延敵罕有當者由萬竅同號於一風衆流俱
納於溟海若乃嚴飾佛事規矩梵天法堂鬱以霧開
香樓岌乎島峙皆我公之締構也以天寶八載五月
一日示滅大寺百城號天四衆泣血焚香散花扶櫬
臥轍仙鶴數十飛鳴中絕非至德動天深仁感物者
其孰能與於此乎三綱等皆論窮彌天惠湛清月傳
于悉於智種了萬法於真空不謀同心克樹聖跡于大

世界見二十三卷註金偈佛所說之偈也楊雄解
上說人主下談公卿目如耀星舌如電光李周翰註
電光謂辭辯速如電光之閃也過秦論秦人開關延
敵九國之師遂巡逃遁而不敢進莊子大塊噫氣其
名爲風是惟無作則萬竅怒吟法苑珠林色界有
十八天初禪三天一名梵衆天二名梵輔天三者大
梵天此大梵天王獨於上位以別群下於此三天中
博大梵天王獨於上位以別群下於此三天中
衆是庶民梵輔是臣大梵是君惟此初禪有三天之
庶之則自此以上悉皆無也梁武帝詩長塗橫翠微
香樓開紫烟締構結構也見一卷註翻譯名義自古
皆以比北北北北北北北北北北北北北北北北北
阜之執親之喪也泣血三年正義云凡人涕淚必因
悲聲而出若血出則不由聲也今子阜悲無聲其涕
出如血之出故云泣血不由聲也今子阜悲無聲其涕
三綱上座維那典座也晉書時有桑門釋道安後辯
有高才自北至荆州與習鑿齒初相見道安曰彌天
釋道安鑿齒曰四海習鑿齒人以為佳對維摩詰經
譬如一燈燃千百燈冥者皆明終不盡菩薩開導
衆生令發阿耨多羅三藐三菩提心於其道意亦不

李太白文集 卷二十八 十二

滅盡隨所說法而自增益一切善法是名無盡燈也
法華經成一切種智一切種智即佛智也又謂之般
若釋典以一切萬有終歸於無謂之為空人法皆空
則謂之真空即般若智也○梵扶泛切音近范概音
近寸湛 大官李公乃命門於南垣廟通衢會盤舊規
音沉

累構餘石壯士加勇力侔拔山纔擊鼓以雷作拖鴻
糜而電掣千人壯萬夫勢轉鹿盧於橫梁泯環合而

無際常六合之振動崛九霄之崢嶸非鬼神功曷以

臻此 項羽歌力拔山兮氣蓋世雷作謂如雷之發聲
鴻摩大索電掣謂疾如電之掣也韻會轉輻井

上汲木木一作櫛櫛廣韻圓
轉木也通作鹿盧○糜音麋况其清景燭物香風動

塵群形所霑積苦都雪粲星辰而增輝挂文字而不

滅雖漢家金莖伏波銅柱擬茲陋矣 班固西都賦抗
仙掌以承露曜

雙立之金莖章懷太子註前書曰武帝時作銅柱承
露仙人掌之屬三輔故事云建章宮承露盤高二十

丈大七圍以銅為之上有仙人掌承露和玉屑飲之
金莖即銅柱也後漢書交趾女子徵側徵貳反璽書

拜馬援伏波將軍南擊交趾水經註俞益期牋曰馬
文淵立兩銅柱於林邑北山木移易銅柱今復在

海中林邑記曰建武十九年馬援樹兩銅柱或日月圓
柱於象林南界與西屠國分漢之南疆也

滿方檀散華清心諷持諸佛稱贊夫如是亦可以從

一天至一天開天宮之門見群聖之顏巍巍功德不

可量也 按釋典欲界有六天一天二天三天四天五天六天
三天夜摩天四兜率天五化樂天六他化自在

天色界有十八天一天二天三天四天五天六天七天八天九
天十光天十一淨天十二無云天十三光音天十四少淨天十五廣
天十六無云天十七善現天十八色究竟天十九無色界有四天
二十識處天二十三無所處天二十四非有想非無想天凡三界

共二十八天者言其清淨先察易勝最尊故名爲
天乃神境世界之位與蒼蒼在上之天不同一解能
修至勝之因方能生其處功其錄事參軍六曹英寮
有優劣故所生之處有不同
及十一縣官屬有宏才碩德含香繡衣者皆列名碑
陰此不具載按唐書袁州郡爲上都督府上都督
上有功曹倉曹戶曹田曹兵曹法曹士曹參軍事各
一人正七品下其曰六曹者田曹後置故仍其舊稱
不稱七而稱六也所管瑕丘曲阜乾封泗水鄒縣任
城龔邱平陸金鄉魚臺萊蕪凡十一縣晉書郭璞傳
景純通秀風振宏才索襲傳索先生碩德名儒含香
尚書郎事見二十六卷註繡衣御史事見十一卷註
郡人都水使者宣道先生孫太冲得真人紫藥玉笈
之書能令太一神自成還丹以獻於帝帝服享萬壽
與天同休功成身退謝病而去不謂古之玄通微妙

之士歟乃謂白曰昔王文考觀藝於魯騁雄辭於靈

光陸佐公知名在吳銘雙闕於盤石吾子盍可美盛

德揚中和恭承語言敢不惟命冊府元龜孫太冲隱

年河南尹裴敦復上言太冲於嵩山合鍊金丹自成
於窳中精華特異變化非常請宣付史官頒示天下
以彭靈瑞仙聖之應從之又孫述有爲宰相賀中
合鍊藥自成表臣等伏見道士孫太冲奏事奉進止
令中使薛履信監臣於中岳嵩陽觀合鍊其竈中著
水置炭於竈側封固却回已經數月泥拭既密緘封
并全卽與縣官等對開門其炭並盡灰又別聚不動
人力其藥已成初乃五色發端終則太陽輝於爐際
又河南尹裴敦復所奏并奉勅令右補闕李成式往
驗並同者唐書百官志都水監使者二人正五品上
掌川澤津梁堰坡池之政此云都水使者乃寵異
方士而以虛銜加之耳後漢書王延壽字文考有傷
才少遊魯國作靈光殿賦後蔡邕亦造此賦未成及
見延壽所爲甚奇之遂輟翰而已王延壽魯靈光殿

賦序魯靈光殿者蓋景帝程姬之子恭王餘之所立也初恭王始都下國好治宮室遂因魯僖基兆而營焉遭漢中微盜賊奔突自西京未央建章之殿皆見隳壞而靈光巋然獨存予客自南鄙觀藝於魯視斯而臨曰嗟乎詩人之興感物而作故奚斯頌其路寢而功績存乎辭德音昭乎聲物以賦顯事以頌官非賦非頌將何述焉遂作賦張載註藝六經也李周翰註言魯有周孔遺風思禮樂之美故云觀藝梁書陸倕字佐公吳郡吳人也高祖雅愛倕才詔為石闕銘記奏之敕曰太子中舍人陸倕所製石闕銘辭義典雅足為佳作昔虞印辨物抑耶獻賦賞以金帛前史美談可賜絹三十匹六朝事跡縣北五里有四石闕在臺城之門南高五丈廣三丈六尺梁武帝所造及成朝士銘之陸倕字佐公其文甚佳士流推伏

遂作頌曰

揭高幢兮表天宮巋獨出兮凌星虹神縱縱繆本作

是總分來空伋扶傾兮蒼穹西方大聖稱大雄橫絕

苦海舟群蒙陀羅尼藏萬法宗善住天子獲厥功明

明李君牧東魯再新頽規扶衆苦如大雲王注注法雨

郭本 邦人清涼喜聚舞揚鴻名兮振海浦銘豐碑兮

昭萬古揭豎立也巋如山之巋然獨出也凌星虹謂

其離合兮王逸註總聚貌說文伋勇壯也揚雄甘

泉賦神莫莫而扶頽詳見二十一卷註法苑珠林濟

生靈於苦海救愚迷於火宅法華經悲體戒雷震慈

意妙大雲澍甘露法雨滅除煩惱華嚴經如大龍

王能雨一切妙法雨故鴻名大名也見三卷註張衡

西京賦光炎矚天庭囂聲振海浦說文浦濱也徐陵

孝義寺碑謹勒豐碑疎其舞詠

當塗李宰君畫讚薛方山浙江通志李陽水字

少温趙郡人以辭翰名乾元

間為縉雲令修孔子廟自為文記之歲旱禱雨

於城隍神與之約五日不雨焚其祠及期雨霑

李太白文集 卷二十八 左

足秩滿退居吏隱山後遷當塗令陽水篆書尤著舒元興謂其不下李斯云

天垂元精岳降粹靈應期命世大賢乃生吐奇獻策

敷聞王庭帝用休之揚光泰清濫觴百里涵量八溟

縉雲飛聲當塗政成雅頌一變江山再榮舉邑林舞

式圖丹青眉秀華蓋目朗明星鶴矯闔風麟騰玉京

若揭日月昭然運行窮神闢化永世作程元精已見前註詩大

雅嵩高惟岳駿極於天惟岳降神生甫及申三國志

趙儼謂繁欽曰曹鎮東應期命世必能匡濟華夏阮

孝緒七錄序大聖挺生應期命世書多士夏楚簡在

王庭有服在百僚卻正釋譏雖尺枉而直每終揚光

以發輝家語江始出於岷山其源可以濫觴王肅註

傷可以盛酒言其微也此借言始仕之意縉雲縣唐

時隸江南東道之處州縉雲郡西南至州八十五里

當塗縣唐時隸江南西道之宣州宣城郡東南至州

無窮

金陵名僧顏公粉圖慈親讚頌音均

神妙不死惜當作生此身託體明淑而稱厥親粉為

造化筆寫天真貌古松雪心空世塵文伯之母可以

為鄰謝朓新安公主墓銘茲明淑玉振蘭芳家語

者王后親織玄統公侯之夫人加之以絃經御之內

子為大帶命婦成祭服列士之妻加以朝服自庶

士以下各衣其夫秋而戒事烝而獻功男女紡績慤

猶恐亡先人之業况有怠惰其何以避辟孔

子聞之日弟子志之季氏之婦可謂不過矣

李居士讚

至人之心如鏡中影揮斥萬變動不離靜彼質我斤
揮風是騁了物無二皆為匠郢吾族賢老名喧寫真
貌圖粉繪生為垢塵從白得衰與天為鄰默然不滅
唐文粹作儼然不語長存此身揮斥猶縱橫見二十七卷註莊
匠石斲之匠石運斤成風聽而斲之盡聖而鼻不傷
詳見二卷註嵇康養生論積損成衰從衰得白從白
得老從老得終

安吉崔少府翰畫讚

唐時安吉縣隸江南東道湖州吳興郡按唐書宰相世系表有崔翰字叔清汴宋觀察使巡官試大理評事未知即其人否

齊表巨海吳嗟大風崔為令族出自太公克生奇才

骨秀神聰炳若秋月騫然雲鴻愛圖伊人奪妙真宰

卓立欲語謂行而在清晨一觀爽氣十倍張之座隅

仰止光彩左傳吳公子札來聘請觀於周樂為之歌齊曰美哉泱泱乎大風也哉表東海者其

太公乎國未可量也杜預註太公封齊為東海之表式陶潛詩於穆令族允構斯堂唐書崔氏出自姜姓

齊丁公伋嫡子季子讓國叔乙食采於崔遂為崔氏

宣城吳錄事畫讚吳名鎮為宣城郡之錄事參軍見趙公西候亭頌

大名之家昭彰日月生此髦士風霜秀骨圖真像賢

傳容寫髮束帶岳立如朝天闕巖巖兮謂颯方之削

成澹澹兮申劉本五湖之澄明武庫肅穆辭峯崢嶸

大辯若訥大音希聲默然不語終為國楨詩小雅烝我髦士

傳曰髦後也岳立見十卷註梁簡文帝詩重門遠照
耀天關復穹窿山海經太華之山削成而四方其高
五千仞其廣十里史記正義韋昭曰五湖湖名耳實
一湖今太湖是也在吳西南史記索隱五湖者鄞璞
江賦云具區兆瀾彭蠡青草洞庭或云太湖周五百
里故曰五湖晉書裴頠弘雅有遠識博學稽古自少
知名御史中丞周弼見而嘆曰頠若武庫五兵縱橫
一時之傑也陸績別傳風化肅穆郡內大治王勃山
亭興序辭峰直上振筆札而前驅翰苑橫開列文章
於後殿老子洪德章大辯若訥河上公註大辯者智
無疑若訥者口無詞又同異章太音希聲河上公註
大音猶雷霆待時而動喻常愛氣希言也任昉詩式
瞻在國楨後漢書故北中郎將盧植名著
海內學為儒宗士之楷模國之楨幹也

壁畫蒼鷹讚

譏主人

奕兀枯樹傍無寸枝上有蒼鷹獨立若愁胡之攢眉

益天之殺氣凜粉壁之雄姿背銛劍戩瓜

群賓失席以聘貽未悟丹青之所為吾嘗恐出口牖

以飛去何意終年而在斯

孫楚鷹賦疎尾濶臆高翳頽顧深目蛾眉狀似愁胡

魏彥深鷹賦資金方之猛氣擅火德之炎精傳玄鷹賦雄姿邈世逸氣橫生廣韻銛利也班固西都賦猶愕貽而不能階章懷太子註字書曰愕驚也音五谷反字林曰貽驚貌也音丑吏反○銛音纖愕音諤貽音近幟亦音怡

方城張少公廳畫師猛讚

郭本少上七字○方城縣名唐時隸山南

東道唐州春陵郡少公猶少府見二十七卷註

張公之堂華壁照雪師猛在圖雄姿奮發森竦

一作

眉目颯灑毛骨鋸牙銜霜鉤爪抱

一作

月掣蹲胡以

震怒謂大繆本作厦之峴岬繆本作永觀厥容神駭不

歇一本少末二句○廣韻擗挽也說文蹲踞也蹲胡謂調獅之胡蹲踞而幸挽者獅方震怒曳獅之胡方若爲獅所曳也淮南子大厦成而燕雀相賀說文厦屋也峴峴不安也見三卷註曹植洛神賦精移神駭○蹲音摩

羽林范將軍畫讚

羽林將軍見十七卷註

羽林列衛壁壘南垣四十五星

郭本作里

光輝至尊范公

拜將遙承主恩位龍虎臣封傳雁門瞻天蹈舞踴躍

精魂逐逐鸚視昂昂鴻鸞心豪祖逃氣爽劉琨名震

大國威揚列籓麟閣之階粉圖華軒胡兵百萬橫行

爪牙帝室功業長存

甘氏星經羽林軍四十五星壘壁十二星並在室南

主翊衛天子之軍入室五度去北辰一百二十三度史記正兵盡失西入室五度去北辰一百二十三度史記正

義羽林四十五星三三而聚散在壘壁南軍也亦
六宿衛之兵草壘壁陳十二星橫列壘壁南軍也亦
矯然有威武如虎之臣雁門郡都督劉琨達正義矯
梁書錫視爭元龍驥並驅晉書而逃劉琨並有英氣
每語世事或中宵起坐相謂曰若四海沸豪傑並
起吾與足下當相避於中原耳晉書列藩九服式叙
王官麟閣見四卷註華軒見二十五卷註橫行見五
卷註詩小雅祈父予王之爪牙孔穎達正義鳥用爪
獸用牙以防衛已身此人自謂王之爪牙以鳥獸爲
也喻

金銀泥畫西方淨土變相讚

并序○西方淨土即西方極樂國土

也法苑珠林世界皎潔目之爲淨即淨所居名
之爲土故攝論云所居之土無於五濁如玻璃
珂等名清淨土法華論云無
煩惱衆生住處名爲淨土

我聞金天

唐文粹作方

之西日没之所去中華十萬億刹

有極樂世界焉彼國之佛身長六十萬億恒

由旬眉間白毫向右宛轉如五須彌山目光清白若

四海水唐文粹作若端坐說法湛然常存常明金沙

岸列珍樹欄楯彌覆羅網周張車渠瑠璃為樓殿之

飾頗黎碼碯耀階砌之榮皆諸佛所證無虛言者

阿彌陀經佛告長老舍利弗從是西方過十萬億佛

土有世界名曰極樂其土有佛號阿彌陀今現在說

法彼土何故名為極樂其國眾生無有眾苦但受諸

樂故名極樂極樂國土七重欄楯七重羅網七重行

樹皆是四寶周匝圍繞有七寶池八功德水充滿其

中池底純以金沙布地四邊階道金銀琉璃玻瓈合

成上有樓閣亦以金銀琉璃玻瓈赤珠瑪瑙而

成上石樓閣亦以金銀琉璃玻瓈赤珠瑪瑙而

色青光白色白光微妙香潔彼佛國土常作天樂黃

金為地晝夜六時雨天曼陀羅花其土眾生常以清

旦各以衣被盛眾妙花供養他方十萬億佛即以食

時還到本國飯食經行彼國常有種種奇妙雜色之

鳥白鶴孔雀鸚鵡舍利迦陵頻伽共命之鳥是諸眾

鳥晝夜六時出和雅音其音演暢五根互力七菩提

分八聖道分如是等法其土眾生聞是音已皆悉念

佛念佛法念僧舍利弗汝勿謂此鳥實是罪報所生彼

佛國土無三惡道尚無惡道之名何況有實是諸眾

鳥皆是阿彌陀佛欲令法音宣流變化所作彼佛國

土微風吹動諸寶行樹及寶羅網出微妙音譬如百

千種樂同時俱作聞是音者自然皆生念佛法念

僧之心彼佛何故號阿彌陀彼佛光明無量照十方

國無所障礙彼佛壽命及其人民無量無邊阿僧祇劫

有無量無邊聲聞弟子皆阿羅漢非是算數之所能

知諸菩薩眾亦復如是彼佛國土成就如是功德莊

嚴又極樂國土眾生皆是阿鞞跋致其中多有

一生補處其數甚多非是算數所能知之但可以不

量無邊阿僧祇說眾善聞者應當發願生彼國土所

以者何得與如是諸上善人俱會一處不可以少善

李太白文集

卷二十八

九

彌陀佛執持名號若一日若不亂其人臨命終時阿彌
五佛與諸聖眾現在其前是人終時心不顛倒即得
往生阿彌陀佛極樂國土我見是利故說此言若有
衆生聞是說者應當發願生彼國土如有阿闍鞞佛
阿彌陀佛不可思議功德之利東方亦有阿闍鞞佛
須彌相佛大須彌佛須彌光佛妙音佛如是等恒河
沙數諸佛南方世界有日月燈佛名聞光佛大燄肩
佛須彌燈佛無量壽佛無量精進佛如是等恒河沙
佛世界有無量壽佛無量相佛無量幢佛大光佛大
明佛寶相佛淨光佛如是等恒河沙數諸佛北方世
界有微肩佛最勝音佛難沮佛日生佛網明佛如是
等恒河沙數諸佛下方世界有師子佛名闍鞞佛土
佛達磨佛法幢佛持佛法佛如是等恒河沙數諸佛
方世界有梵音佛宿王佛香上佛香光佛大燄肩佛
雜色寶華嚴身佛娑羅樹王佛寶華德佛見一切義
佛如須彌山佛如是等恒河沙數諸佛各於其國出
廣長舌相遍覆三千大千世界說誠實言汝等衆生
當信是稱讚不可思議功德一切諸佛所護念經何
故名爲一切諸佛所護念經若有善男子善女人聞

是經受持者及聞諸佛名者皆爲一切諸佛之所護
念皆得不退轉於阿耨多羅三藐三菩提是故汝等
皆當信受我語及諸佛所說若有人已發願今發願
當發願欲生阿彌陀佛國者是諸人等皆得不退轉
於阿耨多羅三藐三菩提於彼國土若已生若今生
若當生是故舍利弗諸善男子善女人若有信者應
當發願生彼國土云云剎謂諸佛所住國土觀無量
壽經無量壽佛身高六十萬億那由他恒河沙由旬
眉間白毫右旋宛轉如五須彌山佛眼如四大海水
青白分明法苑珠林毗曇論云四肘爲一弓五百弓
爲一拘盧舍八拘盧舍爲一由旬以中國道里較之
一由旬合得十六里南齊書顧歡傳陶神者使塵惑
日損湛然常存湛然常存金銀泥畫西方淨土變相蓋
存言其永無遷壞也
馮翊郡秦唐文粹夫人奉爲亡夫湖州刺史韋公之
所建也按唐書地理志同州馮翊郡隸關內道湖夫
人蘊冰玉之情敷聖善之訓以伉儷大義唐文粹無

大作義希拯拔於郭本缺幽塗父子恩深用重唐文粹

修於景福誓捨珍物構求名工圖金創端繪銀設像

詩國風母氏聖善鄭箋曰母有獻智之善德韻會仇

體敵也配偶也詳五卷註後漢書父子恩深不覺自

失耳釋氏要覽薰義者顯識論云譬如燒香薰衣香

體滅而香氣在衣此香不可言有香體滅故不可言

無香氣在衣故詩大雅介爾景福毛傳曰景大也圖

金創端者泥金為質地而以為創始繪銀設像者以

銀代彩色而八法功德唐文粹波動青蓮之池七

繪成形像寶香花光映黃金之地清風所拂如生五音百千妙

樂咸疑動作若已發願未及唐文粹發願著已當生

未及唐文粹當生精念七日必生其國功德罔極酌

而難明七寶所成其寶香輒從如意珠王生分為十

四支一支作七寶色黃金為渠渠下皆以雜色金

剛以為底砂一水中六十億七寶蓮花一蓮

花團圓正等十二由旬其摩尼水流注花間每樹上

下其聲微妙是為八功德水法苑珠林八功德水依

順正理論云一廿二冷三頓四輕五清淨六不臭七

飲時不損喉入飲已不傷腹觀無量壽經其諸寶樹

七寶華葉無不具足一一花葉作異寶色琉璃色中

出金色光玻瓈色中出紅色光碼磲色中出磲磲光

磲磲色中出綠真珠光珊瑚琥珀一切眾寶以為映

餘大阿彌陀經七寶所謂黃金白銀水晶琉璃珊瑚

琥珀磲磲精念即所謂一心不亂也今人念念遷流

不能終日若能注心淨土無二無雜至於七日終不

散亂則心中佛境自然全現矣或有不信是讚曰

事良由業障深重故耳罔極不可限量也向西日沒處遙瞻大悲顏目淨唐文粹海水身光

李太白文集

卷二十八

三

散香閣圖畫了在眼願託彼道場以此功德海具祐

紫金山勤念必往生是故稱極樂珠網珍寶樹天花

為舟梁八十一

唐文粹

劫罪如風掃輕霜

唐文粹

無量壽長願

唐文粹

玉毫光

佛報恩經

獅子月佛水生經云

遙見世尊身放光明如紫金山法苑珠林

普令大眾同於金色法苑珠林衆生功德海無能測

量者北齊書慕容儼傳相率祈請真獲冥祐觀無量

壽佛經若觀是地者除八十億劫生死之罪捨身他

世必生淨國大阿彌陀經阿彌陀佛號無量壽佛觀

無量壽佛經觀無量壽佛者從一相好入但觀眉間

白毫極令明了見眉間白毫者入萬四千相好自然

當現○漁隱叢話司空圖云嘗觀杜子美祭太尉房

公文李太白佛寺碑贊

宏拔清厲乃其歌詩也

江寧揚利物畫讚

唐之江南東道有江寧縣隸潤州丹陽郡至德二載改隸

昇州江寧郡

太華高嶽三峯倚天洪波經海百代生賢為夔為龍

廓土濟川趙城開國王樹凌烟筆鼓元化彤分自然

明珠獨轉秋月孤懸作宰作程摧剛挫堅德合窈冥

聲播蘭荃鴻漸麟閣英圖可傳初學記太華山其上

觀後漢書朱浮傳六國之時其勢各盛廓土數千里

將兵數百萬書說命若濟川用汝作舟楫唐書地

理志河東道晉州平陽郡有趙城縣百官志封爵之

制開國郡公食邑二千戶正二品開國縣百官志封爵之

五百戶從二品開國縣侯食邑千戶從三品開國縣

伯食邑七百戶正四品上開國縣子食邑五百戶正

五品上開國縣男食邑三百戶從五品上讚言楊氏

出自關西關西之地山有華岳川有黃河山川精靈

之氣蓄積百世挺生偉人而為當代之夔龍出將則

有廓土之功入相則有濟川之蹟以爵酬功得封趙

城蓋推言其祖父之賢而且貴如此玉樹以下始讚

利物世說謝太傅問諸子姪貴如此何預人事而正

欲使其佳諸人莫有言車騎答曰譬如芝蘭玉樹欲

使其生於階庭耳凌烟猶凌雲也老子窈冥兮其

中有精河上公註道惟窈冥無形其中有精實神明相薄陰陽交會也韻會荃香草也周易漸卦初六鴻漸於干孔穎達正義鴻水鳥也漸進之道自下而上故進譬鴻飛自下而上也後漢書蔡邕傳鴻漸盈階振鷺充庭章懷太子註易曰鴻漸於陸鴻水鳥也漸出於陸喻君子仕進於朝麟閣見四卷註○荃音詮

金鄉薛少府廳畫鶴讚

唐河南道有金鄉縣隸兗州魯郡

高堂閑軒兮雖聽訟而不擾圖蓬山之奇禽想瀛海

唐文粹之縹緲縹本紫頂烟艷丹眸星皎昂昂佇

一作欲飛 霍若驚矯形留座隅勢出天表謂長鳴 一作

於風霄終寂立於露曉凝翫益古俯察愈妍舞疑傾

市聽似聞絃儻感至精以神變可弄影而浮烟 鮑照

賦晴含丹而星曜頂凝紫而烟華說文艷大赤也左

吳都賦士女佇聆劉涓子註佇聆立視也霍若猶

忽若驚矯驚飛也班固西都賦若游日於天表劉良

註表外也藝文類聚易通卦驗曰立夏清風至而鶴

鳴春秋感精符八月白露降流於草葉上滴滴有聲則鳴

白鶴性警至八月露降流於草葉上滴滴有聲則鳴

張華禽經註露下則鶴鳴鶴之馴養於家庭者飲露

則飛去吳越春秋吳王有女滕玉因謀伐楚與夫人

及女會蒸魚王前嘗半而與女怒曰王食魚辱我

不忍久生乃自殺閭閻痛之葬於國西閭門外鑿池

積土文石為榭題湊其中金鼎玉杯銀樽珠襦之寶

皆以送女乃舞白鶴於吳市令萬民隨而觀之還使

男女與鶴俱入美門因發機以掩之殺生以送死鮑

照舞鶴賦出吳都而傾市韓非子師曠援琴而鼓一

奏之有玄鶴二八道南方來集於廊門之堦再奏之

而列三奏之延頸而鳴舒翼而舞音中宮商之聲聲

聞於天舞鶴賦疊霜毛而弄影振玉

羽而臨霞○絕音釋又音赫聆音爽

誌公畫讚 傳燈錄寶誌禪師金城人姓朱氏少

忽居止無定飲食無時髮長數寸徒跣執錫杖

杖頭環剪刀尺銅鑑或挂一兩尺帛數日不食

無飢容時或歌吟詞如識記士庶皆共事之齊
 建元中武帝謂師惑眾收付建康獄明且人見
 其入市及檢獄如故建康令以事聞帝延之於
 宮中之後堂師在華林園忽一日重著三布帽
 亦不知於何所得之俄而武帝崩豫章王文惠
 太子相繼薨由是禁師出入梁高祖即位下詔
 曰誌公跡拘塵垢神遊冥寂水火不能焦濡蛇
 虎不能侵懼語其佛理則聲聞以上談其隱淪
 則遜仙高者乃以俗士常情空相拘制何其鄙
 陋一至於此自今勿得復禁天監十二年冬忽
 告眾僧令移金剛神像出置寺外密謂人曰菩
 薩將去未及旬日無疾而終舉體香煥臨亡然
 一燭以付後閣舍人吳慶慶以事聞帝嘆曰大
 師不復留矣燭者將以後事囑我也因厚禮葬
 於鍾山獨龍阜仍立開善精舍救陸倕製銘於
 冢內王筠勒碑於寺門處處傳其遺像焉南史
 沙門釋寶誌雖剃鬚髮而常冠
 下裙帽袍故俗呼為誌公

水中之月了不可取虛空其心身一作寥廓無主錦幪

鳥爪獨行遊一作絕侶刀齊尺梁繆本扇迷陳語丹青

聖容何往一作何所水中之月只一影耳初非

生化身靈變顯跡甚奇要亦無殊於此故曰了不可
 取楚辭下崢嶸而無地兮上寥廓而無天寥廓即空
 虛之處說文幪蓋衣也南史寶誌出入鐘山往來都
 邑年已五六十矣齊宋之交稍顯靈跡被髮徒跣語
 默不倫或被錦袍飲啖同於凡俗神僧傳寶誌面方
 而瑩徹如鏡手足皆鳥爪每行遊市中其錫杖上嘗
 懸剪刀一事尺一枝塵尾扇一柄剪刀者齊也尺者
 量也塵尾扇者塵也蓋隱語歷齊梁陳三朝耳楊
 士奇曰今靈谷寺有石刻誌公像贊吳道子書李白
 贊顏真卿書世稱三絕舊刻已壞此重刻者不復見
 書法之妙矣

琴讚

嶧陽孤桐石聳天骨根老冰泉葉苦霜月斲為綠綺

徽聲繁發秋風入松萬古奇絕尚書嶧陽孤桐孔氏傳孤特也嶧山之陽
特生桐中琴瑟蔡氏集傳地志云東海郡下邳縣西
有葛嶧山古文以為嶧山陽者山南也孤桐特生之
桐其材中琴瑟詩曰梧桐生矣於彼朝陽蓋草木之
生以向日為貴也封氏見聞記交州鄒嶧山南而平
復東西長數十步廣數步其處生桐栢傳以為禹貢
嶧陽孤桐者也土人云此桐所以異於常桐者諸山
皆發地兼土惟此山大石攢倚石間周圍皆通人行
山中空虛故桐木絕響是以珍而入貢也緣綺琴見
二十卷註微琴節也見四卷註秋風入松喻琴聲之清韻○嶧音亦

朱虛侯讚史記孝惠帝崩呂太后稱制齊哀王弟章八宿衛於漢呂太后封為朱虛侯朱虛侯年二十有氣力忿劉氏不得職嘗入侍高后燕飲高后令朱虛侯劉章為酒吏章自請曰臣將種也請得以軍法行酒太后曰可酒酣章進飲歌舞已而曰請為太后言耕田歌高后兒于畜之笑曰顧而父知田耳若生而為王子安知田乎章曰臣知之太后曰試為我言田

章曰深耕澆種立苗欲疏非其種者鋤而去之
太后默然頃之諸呂有一人醉亡酒章追拔劍
斬之而還報曰有亡酒一人臣謹行法斬之太
后左右皆大驚業已許其軍法無以罪也自是
諸呂憚朱虛侯雖大臣皆依朱虛侯其明年高
后崩呂祿為上將軍呂產為相國皆居長安中
聚兵以威大臣欲為亂朱虛侯與太尉勃丞相
平等誅之朱虛侯首先斬呂產於是太尉勃等
乃得盡誅諸呂

嬴氏穢德金精摧傷秦鹿克獲漢風飛揚赤龍登天
白日昇光陰虹賊虐諸呂擾攘朱虛來歸會酌高堂
雄劍奮擊太后震惶爰鋤產祿大運乃昌功冠帝室
於今不忘史記秦之先柏翳舜賜姓嬴氏書秦誓穢德彰聞陸機漢高祖功臣頌金情仍頽朱光以渥秦在西方西為金行故曰金精漢書昔秦失其鹿劉季逐而拮之漢高祖歌大風起兮雲飛揚威

海內今歸故鄉赤龍登天謂高祖升遐白日昇光
謂惠帝卽世陰虹賊虐謂呂后比殺三趙王後漢書
明帝紀朕承大
運繼體守文

觀飲飛斬蛟龍圖讚淮南子荆有飲非得寶劍

流陽侯之波兩蛟夾繞其船飲非謂柁船者曰

嘗有如此而得活者乎對曰未嘗見也於是飲

非瞋目勃然攘臂拔劍曰武士可以仁義之禮

說也不可劫而奪也此江中之腐肉朽骨棄劍

而巳予有奚愛焉赴江刺蛟遂斷其頭船中人

盡沿風波畢除荆爵為執珪飲飛卽飲非古字

通用

飲飛斬長蛟遺圖畫中見登舟既虎嘯激水方龍戰

驚波動連山拔劍曳雷電鱗摧白刃下血染滄江變

感此壯古人千秋一作若對面趙景真與嵇茂齊書

龍睇大野虎嘯六合

華海賦波如連山

周易龍戰於野木

地藏菩薩讚并序○地藏菩薩本願經地藏菩薩

者子時世有佛號曰觀世音菩薩於過去無量阿僧祇劫

時長者子見佛相好千福莊嚴因問彼佛作何

行願而得此相佛告長者子欲證此身當須久

遠脫度一切受苦眾生時長者子因發願言我

今盡未來際不可計劫為是罪苦六道眾生廣

設方便盡令解脫而我自身方成佛道以是於

彼佛前立斯大願於今百千

萬億那由他劫尚為菩薩

大雄掩照日月崩落惟佛智慧大而先生死雪賴假

普慈刀能救無邊苦獨出曠劫導開橫流則地藏菩

薩為當仁矣大雄掩照謂釋迦入般涅槃也楞嚴經

薩頂而作是言汝觀吾累劫勤苦度脫如是等難化
 剛強罪苦眾生其有未調伏者隨業報應若墮惡趣
 受大苦時汝當憶念吾在切利天宮殷勤付囑令婆
 娑世界至彌勒出世已來眾生悉使解脫永離諸苦
 過佛授記爾時諸世界分身地藏菩薩各復一形涕
 淚哀戀自佛言我從久遠劫來蒙佛接引使獲不可
 思議神力具大智慧我所分身遍滿百千萬億恒河
 沙世界每值一世界化百千萬億身每身度百千萬
 億人令歸敬三寶永離生死至涅槃樂但於佛法中
 所為善事一毛一諦一沙一塵或毫髮許我漸度脫
 以後世惡業眾生為慮弟子扶風寶滔少以英氣爽
 邁結交王侯清風豪俠極樂生疾乃得惠當作劍於
 真宰湛木心於虛空願圖聖容以祈景福庶冥力憑
 助而厥苦有瘳地藏菩薩本願經臨命終時男女眷
屬將是命終人舍宅財物寶貝衣服
聖畫地藏形像或使病人眼耳聞見其眷屬將合
宅寶貝等為其自身塑畫地藏形像若是業報合受

重病承斯功德尋即除愈壽命增益唐時扶風郡即
 岐州也屬關內道維摩詰經以智慧劍破煩惱網莊
 子若有真宰而特不得其朕韻會湛澄爰命小才式
 也景福已見本卷註說文瘳疾愈也

讚其事讚曰

本心若虛空清淨無一物焚蕩淫怒癡圓寂了見佛

五綵圖聖像悟真非妄傳掃雪萬病盡爽然清涼天

讚此功德海永為曠代宣人心虛淨本無一物就著

戾則發而為怒蔽於邪見昧於大道則流而為癡三

者謂之三毒皆心之累也苟能一切捐棄若火之焚

若水之蕩而盡去之不使一毫少累其心則心之本

體見矣心即佛也見心不即見真佛哉翻譯名義涅

槃裝三藏翻為圓寂賢首云德無不備稱圓障無不

盡稱寂功德海已見本卷註謝靈運傷已賦丁曠代

惠之渥

魯郡葉和尚讚

通典魯郡今之兗州古少皞之墟也東岳太山在焉

海英岳靈誕彼開士了身皆空觀月在水如薪傳火
朗徹生死如雲開天廓然萬里寂滅為樂江海而閑

逆旅形內虛舟世間邈彼崑閩誰云可攀東岳在魯郡境內東

海雖不在其境內以其相去不遠故廣言及之誕育也開士謂僧之有德行者見二十一卷註四大幻身

木來空無故智者觀之如水月中影初非真實慧遠形盡神不滅論火之傳於薪猶神之傳於形火之傳

異薪猶神之傳異形前薪非後薪則知指窮之術妙前形非後形則悟情數之感深惑者見形朽於一生

便以謂神情俱喪猶覩火窮於一木謂終期都盡耳涅槃經諸行無常是生滅法生滅滅已寂滅為樂逆

旅見二十四卷擬古註虛舟見十卷贈僧崖公註楚辭章句閩風山名在崑崙之上○誕音但閩音浪

李太白文集卷之二十八終

李太白文集卷之二十九

錢塘王琦琢嵯韞註

緒端臣較思謙蘊山較

銘碑祭文共九首

化城寺大鐘銘

并序○化城寺詳見二十卷註

噫天以震雷鼓群動佛以鴻鐘驚唐文粹作警大夢而能

發揮沉潛開覺茫蠢則鐘之取象其義博哉夫揚音

大千所以清真心警俗慮協響廣樂所以達元氣彰

天聲銘勳皇官所以旌豐功昭茂德莫不配美金鼎

增輝寶坊仍事作制豈徒然也揚雄羽獵賦撞鴻鐘大千世界見二十三

卷註廣樂見一卷註張衡東京賦銘勳燹器歷世彌光薛綜註銘勒也勳功也勒銘於宗廟之器鐘鼎萬世彌益光明寶坊

鐘者量函千盈唐文粹作量函千蓋邑宰李公之所

物也公名有則系立元之英蕤茂列聖之天枝生於

公族貴而秀出少蘊才略壯而有成唐文粹作聞西逾流

沙立功絕域帝疇乎厥庸始學古從政歷宰潔白聲

聞於天天書褒榮輝之簡牘稽首三復子孫其傳天

寶之初鳴琴此邦不言而治唐文粹作理日計之無近功

歲計之有大利物不知化潛臻小康神明其道越不

可尚唐道號老子為玄元皇帝稽康琴賦飛英蕤於吳蒼李善註蕤草木花貌呂延濟註英蕤花也

王僧孺禮佛唱導發願文天枝峻密帝葉英芬漢書

地理志張掖郡居延縣居延澤在東北古文以為流

沙顏師古曰流沙在燉煌西韻會流沙地名在居延

海南甘州張掖縣漢書陳湯傳討絕域不羈之君係

萬里難制之虜宣帝紀復其後世疇其爵邑張晏曰

疇者等也廣韻庸功也書周官學古入官議事以制

政乃不迷鳴琴邑令事見二十卷註莊子曰計之而

不足歲計之而有餘詩小雅沚可小康鄭箋曰康安

也方入於禪關觀天宮崢嶸聞鐘聲瑣屑乃謂諸龍

象曰盍不建大法鼓樹之層臺使群聾六時有所歸

仰不亦美乎於是發一言以先覺舉百里而成繆本作感

應秋毫不挫人多子來銅崇朝而山積工不日而雲

會崢嶸高峻貌瑣屑細小貌龍象謂高僧見十二卷註大法鼓謂鐘見二十一卷註西域記時極短者謂刹那也百二十刹那為一呎刹那六十呎刹那為一臘縛三十臘縛為一牟呼栗多五牟呼栗多為一

時六時合成一日一夜是中國以一晝夜分作十二
時者西國只分為六時也莊子北宮奢為衛靈公賦
欽以為鐘為壇平國門之外三月而成上下之懸王
子慶忌見而問焉曰子何術之設奢曰一之問無取
設也奢聞之既雕既琢復歸於朴侗乎其無識儻乎
其怠疑萃乎芒乎其送往而迎來者勿禁往者勿
止從其疆梁隨其曲傅因其自窮故朝夕賦歛而毫
毛不挫而况有大途者乎詩大雅庶民子來趙岐曰
衆民自來趣之若子來為父使之也詩國風崇朝其
雨毛傳曰崇終也從且至食時為終朝南史鄧元起
之在蜀也崇於乃採鳧氏撰鳴唐文粹鐘火天地之
燼燼銅液星燄繆木而燿燦光噴日道氣歛郭本作敵
蔽天維紅雲點於太清紫烟轟於遙海炬赫宇宙功
侔鬼神瑩而察之吁駭人也周禮鳧氏為鐘韻會撰

爐造化為冶陰陽為炭萬物為銅國語曰祿信於
遂韋昭解曰祿火神博雅風師謂之飛廉說文涪涪
溢也今河朔方言謂沸溢為涪韻會涪說文盛光也
又閃鑠貌隋書曰循黃道東行一日一夜行一叟三
百六十五日有奇而周天六經天文編曰所行之路
謂之黃道與赤道相交半出赤道外半入赤道內說
文歛氣出貌宋玉大言賦壯上憤兮絕天維韻會轟
長直貌增韻聳上貌莊子梓慶削木為鐻鐻成見者
驚猶鬼神魯靈光殿賦吁可畏乎其駭爾其龍質炳
人也○潛音達焯音逸歛音翬轟音觸爾其龍質炳
發虎形躩踞糜金索以上組懸寶樓而迭擊傍振萬
壑高聞九天聲動山以隱隱唐文粹響奔雷而闐闐
赦湯鑊於幽途息劍輪於苦海景福胖蠻被於人天
非李公好謀而成弘濟群有唐文粹孰能興郭本
此乎梁簡文帝元圃園講頌預入寶樓竊窺妙簡宋
玉九辨屬雷師之闐闐今廣雅闐闐聲也法苑

珠休阿鼻地獄有十八劍輪地獄十八湯鑊地獄翻

譯名義集若打鐘時一切惡道諸苦並得停止法苑

珠林濟生靈於苦海救愚迷於火宅左思蜀都賦景

福胎蠶而與作呂向註昨蠶濕生蟲蚊類是也其群

望之如氣之布寫也言大福之與有如此蟲群飛乙切

多也○經居恒切音近耕闢音田鑊音穫胎義乙切

欣入聲 丞尉等並衣冠之龜龍人物之標準大雅君

子同僚盡心間善賈勇贊成厥美蔡邕郭有道碑文

鱗介之宗龜龍也李善註曾子曰介蟲之精曰龜鱗

蟲之精曰龍左傳同官為察吾嘗同察敢不盡心

賈子餘勇 寺主昇朝閑心古容英骨秀氣灑落毫

素謙柔笑言海受水而皆納鏡無形而不燭直道妙

用乃如是言繆木常虛懷忘情察已利物是人行空

寂不動見如來翻譯名義集僧史略云詳寺主起于

東漢白馬寺也寺既爰處人必主之

於時雖無寺主之名而有知事之者東晉以來此職

方盛故梁武造光宅寺名法雲為寺主創立僧制鮑

照詩陵令無人事毫墨時灑落南史姚察將 有若上

終會無痛惱但西向坐正念云一切空寂

座靈隱都維那則舒名僧日暉蘊虛常因調護賢哉

六開士普聞八萬法深入禪惠精修律儀郭本作義

每寺上座一人寺主一人都維那一人共綱紀眾事

翻譯名義集五分律佛言上更無人名土座道宣勅

為西明寺上座列寺主維那之上毗尼母云從無夏

至九夏是下座自十夏至十九夏是上座自二十夏

至四十夏是上座毗婆娑論云有三上座一坐即知法

富貴大財大位大法族大力大眷屬雖年二十皆應和

論翻為次第謂知僧事之次第歸傳云華梵兼舉

也維是綱維華言也那是梵語刪去羯磨陀三字也

僧史略云梵語羯磨陀那譯為事知亦云悅眾謂知

其事悅其眾也開士高僧也見二十一卷註報恩經

李太白文集 卷二十九 四

八萬法者如樹根莖枝葉名爲一樹佛爲衆生始終
說法名爲一藏如是一萬八千爲半偈三十二字爲一
藏如是一萬八千爲半偈三十二字爲一
如是一萬八千爲半偈三十二字爲一
萬六千偈爲一藏如是一萬八千爲半偈三十二字爲一
法藏亦八萬名八萬法藏禪惠卽禪慧王巾頭陀寺
碑文惟此名區禪慧攸託李善註禪慧禪定智慧卽
六度之將博我以文章求我以述作功德大海酌而
難名遂與六曹豪吏姑熟賢老乃緇乃黃鳧趨梵庭
請揚宰君之鴻美白昔忝侍從備於辭臣恭承德音
敢闕清風之頌法苑珠林衆生功德海無能測量者
通典州府佐吏有司倉司戶司
兵司法司士等六參軍在府爲曹在州爲司府曰倉
曹功曹州曰司功司倉緇謂僧人緇服者黃謂道士
黃冠者埋雅鵲鸚鵡醜善立鳧趨謂群趨如鳧鷖也
鳧善趨鷹善立鳧趨謂群趨如鳧鷖也江淹詩誓每

青蓮果永入梵庭期詩大其辭曰
雅吉甫作誦穆如清風

雄雄鴻鐘砰隱天雷鼓霆擊警大千含郭本號煇焮
作合

聲無邊摧懼魑魅招靈仙傍極六道極唐文粹
作下九泉

劍輪輟苦期息肩湯鏊猛火停熾然愷悌賢宰入父

母興功利物信可久德方唐文粹
作芳金鐘永不朽漢書
禮樂

志休嘉砰隱溢四方顏師古註砰隱盛意又列子砰
然聞之如雷廣韻懼也杜預左傳註魑魅山林異
氣所生爲人害者又云魑魅山神獸形魅怪物釋家以
天人阿修羅地獄餓鬼畜生六種衆生謂之六道九
泉見九卷註息肩見一卷註詩大雅豈弟君子民之
父母○茗溪漁隱叢話司空圖云嘗觀杜子美祭太
尉房公文李太白佛寺碑贊宏拔清厲乃其歌詩也○
天門山銘江南通志博望山在太平府西南三
十里梁山在和州南六十里兩山石

狀巉巖東西相向橫夾大江對峙如門俗呼梁山曰西梁山呼博望山曰東梁山總謂之天門山春秋時楚獲吳餘艘於此實大江要害之地自六代建都金陵皆於此屯兵打禦兩岬山頂各有一城宋將王元謨所築

梁山博望關扁楚濱夾據洪流實為吳津兩坐錯落如鯨張鱗惟海有若唯川有神牛渚怪物

光射島嶼氣凌星辰卷沙揚濤濁馬殺人國泰呈瑞

時訛返珍開則九江納錫閉則五岳飛塵天險之地

無德繆本作安初學記海神曰海若牛渚磯在太平州當塗縣西北三十里大江之濱與

天門山相去不及百里晉書牛渚磯水深不可測世云其下多怪物溫嶠屢犀角而照之須臾見水族覆火奇形異狀或乘車馬著赤衣者其夜夢神謂曰與君幽明道別何意相照也禹貢九江納錫大龜孔顯

達正義龜不常用故錫命乃納之蔡氏集傳大龜尺有二寸所謂國之守龜非可常得故不為常貢若偶得之則使之納錫於上謂之納錫者下與上之詞重其事也陸機漢高帝功臣頌波振四海塵飛五岳波振塵飛以喻亂也

溧陽瀨水貞義女碑銘并序○六朝事跡大唐

陽縣瀨陽江北周必大泛舟游山錄去溧陽縣四十里有貞義女廟女姓黃山人李太白作記題云瀨水上古貞義女碑銘并序前翰林院內供奉學士隴西李白酒述景定建康志溧水一名瀨水在溧陽縣西北四十里東流為瀨陽江江上有渚曰瀨渚伍子胥乞食投金處故又曰投金瀨吳越春秋子胥奔吳疾於中道乞食溧陽適會女子擊綿於瀨水之上管中有飯子胥謂曰夫人不可得一餐乎女子曰妾獨與母居三十未嫁飯不可得子胥曰夫人賑窮途少飯亦何嫌哉女子知非恒人遂許之發其篋管飯其益漿長跪而與之子胥再餐而止女子曰君有

遠逝之行何不飽而餐之子胥已餐而去謂女
子曰掩夫人之壺漿無令其露女子嘆曰嗟乎
妾獨與母居三十年自守貞明不願從適何宜
饋飯而與丈夫越虧禮儀妾不忍也子行矣子
胥行反顧女子已自投於灑水
矣於平貞明執操其丈夫女哉

皇唐葉有六聖再造八極鏡照萬方幽明咸熙天秩

有禮自太唐文粹無太字古及今君君臣臣烈士貞女采其

史傳二字多唐文粹下多名節尤彰可激清頽俗者皆掃地而祠

之蘭蒸椒漿歲祀罔缺而茲邑貞義女光靈翳然埋

冥唐文粹古遠琬琰不刻豈前修博達者為邦之意

乎六聖高祖太宗高宗中宗睿宗玄宗也再造八極

光朗兮鏡萬方書堯典庶績咸熙孔安國傳咸皆也
熙廣也臯陶謨天秩有禮自我五禮有庸哉正義云

天次序爵命使有禮法謂使賤事貴甲承尊是天道
使之然也人君當順天意用我公侯伯子男五等之禮
禮以故人君為政當奉用我公侯伯子男五等之禮
接之使五者皆有常哉唐會要天寶七載五月十五
日詔上古之君存諸氏號雖事先書契而道著皇王
緬懷厥功寧王咸秩其三皇以前帝王宜於京城內
共置一廟仍與三皇五帝廟相近以時致祭天皇氏
地皇氏人皇氏有巢氏燧人氏其祭料及樂請惟三
皇五帝廟以春秋二時享祭歷代帝王肇跡之處未
有祠宇者所由郡置一廟享祭仍取當時將相德業
可稱者二人配享令郡縣長官春秋二時擇日染盛
蔬饌時果酒脯潔誠置祭其忠臣義士孝婦烈女史
籍所載德行彌高者所在宜置祠宇量事致祭殷相
傳說等忠臣十六人吳太伯等義士八人周太王妃
太姜等孝婦七人周宣王齊姜等烈女十四人並令
郡縣長官春秋二時擇日准前致祭禮記至敬不壇
掃地而祭楚辭蕙肴蒸肉也椒漿以椒置漿中也司馬相
註蕙肴以蕙草蒸肉也椒漿以椒置漿中也司馬相
如謂未刊立碑石楚辭蕙肴蒸肉也椒漿以椒置漿中也
李太白文集卷二十九

修謂前代修習道德之人後漢書劉愷傳景化前修
有伯夷之節章懷太子註前修前賢也漢書陳湯少
好書博達善屬文○琬音宛琬以冉切鹽上聲貞義女者溧陽黃山里史氏

之女也以家溧陽史闕書之歲三十弗移天於人唐文

粹作不移其志清英潔白事母純孝手柔荑而不龜身擊漂

以自業移天謂嫁也見六卷去婦詞註詩國風手如

謂不龜手之藥者世以泝泝統為事陸德明音釋龜

手司馬云文拆如龜文也又云如龜鱗縮也李云泝

泝統者擊漂於水上當楚平王時平文粹缺王虐忠

助讒苛虐厥政芟於尚斬於奢血流於朝赤族伍氏

怨毒於人何其深哉史記伍子胥者楚人也名員員

太子名曰建使伍奢為太傅費無極為少傅無極不

忠於太子日夜言太子短於王曰自太子居城父將

奢知無極讒太子因曰王奈何以讒賊小臣疏骨肉

之親乎無忌曰王今不制其事成矣王且見禽於是

平王怒囚伍奢無極曰伍奢有二子皆賢不誅且為

楚憂可以其父質而召之王使人召二子曰來吾生

汝父不來今殺奢也伍尚欲往員曰楚之名我兄弟

非欲以生我父也恐有脫者後生患故以父為質

名二子二子去則父死矣俱死不如奔他國借力以

父之耻俱滅無為也伍尚曰我知往終不能全父

然恨父名我以求生而不往後不能雪恥終為天

笑耳謂員可去汝能報殺父之仇我將歸死尚既就

執使者捕伍胥伍胥貫弓執矢嚮使者使者不敢進

伍員遂亡伍尚至楚楚并殺奢與尚也揚雄解嘲不

知一跌將赤吾之族也顏師古註見誅殺者必流血

故云赤族李善註赤謂誅滅也海錄碎事古人謂空

盡無物曰赤如赤地千里南史稱其家赤貧是也赤

族言盡殺無類也漢書註子胥始東奔勾吳月涉星

遁或七日不火傷弓於飛逼迫於昭關匍匐於瀨渚

捨車而徒告窮此女目色以臆授之壺漿全人自沉
形與口滅卓絕千古聲凌浮雲激節必報之讎雪誠

無疑之地難乎哉漢書太伯初奔荆蠻荆蠻歸之號曰句吳顏師古註句音鉤夷俗語

之發聲也亦猶越為於越也莊子孔子窮於陳蔡之

間七日不火食史記伍胥奔吳到昭關昭關欲執之

伍胥獨身步走幾不得脫索隱云昭關其關在西江

乃吳楚之境江南通志昭關在和州含山縣小峴西

易賁卦賁其趾舍車而徒借如曹娥潛波理貫於孝

道聶姊頌肆舉動於天倫魯姑棄子以却三軍之眾

漂母進飯沒受千金之恩方之於此彼或易耳會稽

孝女曹娥者上虞人父盱能撫節按歌婆娑樂神漢

安二年迎伍君神派濤而上為水所掩不得其尸娥

年十四號慕思盱乃投瓜於江祝其父尸曰父在此

瓜當沉旬有七日瓜偶沉遂自投於江而死縣令度

尚悲憐其意為之改葬命其弟子邯鄲子禮為之作

碑史記聶政刺殺俠累因自皮面決眼自屠出腸遂

以死韓取聶政屍暴於市購問莫知誰子於是韓購

懸之有能言殺相俠累者予千金久之莫知其姓名暴其

榮聞人有刺殺韓相者賊不得圍不知其姓名暴其

尸而懸之千金乃於邑日其是吾弟歟立起如韓之

市而死者果政也伏屍哭極哀曰是軹深井里所謂

聶政者也市行者諸衆人皆曰此人暴虐吾國相王

懸購其姓名千金夫人不聞歟何敢來識之也榮應

之曰聞之然政以妾尚在之故重自刑以絕從妾其

奈何畏沒身之誅終滅賢弟之名乃大呼天者三卒

於邑悲哀而死政之旁晉楚齊衛聞之皆曰非獨政

婦人也齊攻魯至郊望見一婦人抱一兒攜一兒而

行軍且及之棄其所抱抱其子也所棄者

私愛亡兄子而存妾子幸而得全則魯君不吾畜大
夫不吾養庶民國人不吾與也夫如是則齊肩無所
容而累足無所履也子雖痛乎獨謂義何故忍棄子
而行義不能無義而視魯國於是齊將按兵而止使
人言於齊君曰魯未可伐也乃至於境山澤之婦人
耳猶知持節行義不以私害公而況於朝臣士大夫
乎請還齊君許之魯君聞之賜婦人束帛卒使伍君開
帛百端號曰義姑姊漂母事見六卷註

張闔聞傾蕩鄢郢吳師鞭屍於楚國申胥泣血於秦
庭我亡爾存亦各壯志張英風於古今雪大憤於天
地微此女之力雖云為之士焉能咆哮烜赫唐文粹
作雖云

為忠孝之士亦施於後世也文苑英華作耶○開張
闔謂開大吳君之霸

焉能咆哮烜赫業鄢楚之別都唐時為襄州之宜城縣鄢楚之正都
唐時為荆州之江陵縣二地相去約二百五十餘里

史記伍員與申包胥為交員之亡也謂包胥曰我必
覆楚包胥曰我必存之及吳兵入郢伍子胥求昭王

不得乃掘楚平王墓出其尸鞭之三百然後已於是
申包胥走秦告急求救於秦秦不許包胥立於秦庭
晝夜哭七日七夜不絕其聲秦哀公憐之曰楚雖無
道有臣若是可無存乎乃遣車五百乘救楚擊吳北
山移文張英風於望其溺所愴然低迴而不能去每
海旬韻會微非也

風號吳天月苦荆水響像如在精魂可悲惜其投金
有泉而刻石無主哀哉荆水荆溪也溧陽縣志溧水
在縣西北一名瀨水上承丹

陽湖東流為皇興縣之荆溪下注於太湖舊名承陽
江又曰中江吳越春秋子胥既破楚過溧陽瀨水之
上乃長嘆息曰吾嘗饑於此乞食於一女子女子飼
我遂設水而亡將欲報以百金而不知其家乃投金
水中而去有頃一老嫗行哭而來人問曰何哭之悲
嫗曰吾有女子守志三十不嫁往年擊綿於此遇一
窮途君子而輒飯之恐事泄自投於瀨水今聞伍君
來不得其償自傷虛死是故悲耳人曰子胥欲報百
金不知其家投金水中而去矣老嫗遂取金邑宰紫
而歸一統志投金瀨在溧陽縣西北四十里

陽鄭公名晏家康成之學世子產之才琴清心閑百

里大化有若主簿扶風竇嘉賓縣尉廣平宋陟丹陽

李濟南郡諸集本皆作朝今從文陳然清河張昭皆

有卿才霸略同事相協緬紀英淑勒銘道周雖陵頽

海竭文或不死按唐時滎陽郡即鄭州屬河南道扶

州屬河東道丹陽郡即潤州屬江南東道南郡即荆

州屬山南東道清河郡即貝州屬河北道皆諸人之

族望也冠於姓名之上而實非產於其地者也猶之

大白生於蜀而自稱隴西李白退之生於南陽而自

稱昌黎韓愈耳後漢書鄭元字康成北海高密人通

京氏易公羊春秋三統曆九章算術周官禮記左氏

春秋韓詩之尚書史記子產者鄭成公少子也為

人仁愛人事焉忠厚孔子嘗過鄭與子產如兄弟云

及聞子產死孔子為泣曰古之遺愛也唐時上縣置

尉二人而此之列名者四人豈一時之制稍有增益

與左傳晉卿不如楚其大夫則賢皆卿才也華陽國

志陳登曰雄姿傑出有霸王之略吾敬劉玄德路賓

王詩霸略今何在王宮尚歸杰書洪範相協厥居孔

穎達正義相助也協和也廣韻緬遠也勒刻也詩國

風有扶之杜生於道周毛傳其辭曰

曰周曲也口恭音螢緬音免

祭祭貞女孤生寒門上無所天下報母恩春風三十

花落無言乃如之人激漂清源碧流素手縈彼潺湲

求思不可秉節而存伍胥東奔乞食於此女分壺漿

滅口而死聲動列國義形壯士入鄧顛屍還吳雪恥

投金瀨止報德稱美明明千秋如月在水祭祭美祭

天長節使

使字疑誤

鄂州刺史韋公德政碑

并序○唐書地

理志鄂州江夏郡隸江南西道胡三省通鑑註鄂州春秋夏納之地江夏記云一名夏口一名魯口吳始築郡城晉未始立鄂州隋平陳改為鄂州因鄂渚為名

太虛既張惟天之長所以白帝真人當高秋八月五

日降西方之金精採天長為名將傳之無窮紀聖誕

之節也

孫綽遊天台山賦太虛遠廓而無際李善註太虛天也王僧虔錄元宗以垂拱元年八月

五日生於東都開元十七年八月癸亥冥百僚於花

萼樓下左相乾曜右相說上表曰少昊著流虹之感

商湯本元鳥之命陛下二氣合神九龍浴聖月惟仲

秋日在端五長足不見之夜祥光照室之朝請以為

獻甘露醇酎上萬歲壽酒王公咸里進金鏡綬帶士

庶以結絲承露囊相遺問村祀作壽酒冥祭名為我

賽白帝報田神天寶七載八月己亥改為天長節我

高祖創業太宗成之三后繼統王猷如一大盜間起

開元中興力倍造化功包天地不然何能遏犧農之

頽波返淳朴於太古雖野后至道由闡蚩尤之師今

網漏吞舟而胡夷起於轂下

三后謂高宗中宗睿宗張協七命王猷四襄函

夏謚靜李善註毛詩曰王猶允塞猶與猷同張銑註

猷道也大益指韋武諸賊臣以其謀危宗社故曰大

盜史記五帝紀蚩尤作亂不用帝命於是黃帝乃徵

師諸侯與蚩尤戰於涿鹿之野遂擒殺蚩尤酈史傳

漏網於吞舟之魚司馬相如諫獵書是胡越起於轂

下而羞夷接軫也李善文選註胡廣漢官解故註曰

轂下喻在輦轂之下也先天文武孝感皇帝越任明兩總

戎扶風正帝車於北斗拯橫流於鯨口迴日轡於西

山拂蒙塵於帝顏呼吸而收兩京烜赫而安六合歷

列辟而罕匹顧將來而無倚太陽重輪合耀並出宇
宙翁變草木增榮一麾而靜妖氛成功不處五讓而
傳劍璽德冠樂推舊唐書至德三載正月戊寅上皇
御宜政殿册皇帝尊號曰光天文
武大聖孝感皇帝上以徽號中有大聖二字上表因
讓不允乾元二年春正月己巳朔上御含元殿受尊
號曰乾元大聖光天文武孝感皇帝越與粵通發語
聲明兩見二十二卷註綸或扶風見十一卷註甘氏
星經北斗星謂之七政天之諸侯亦謂帝車第一名
天樞第二名璇第三名璣第四名權第五名衡第六
名閭陽第七名瑤第八名橫流見十一卷註沈佺期詩魂
魄遊鬼門骸骨遺餘日庚信歌迴日轡動天關左傳
天子蒙塵於外敢不奔問官守班固典引德臣列辟
功臣百王章懷太子註列辟謂古之帝王也任昉宣
德皇后令白羽一麾黃鳥底定李善註鸞子曰武王
幸兵車以伐紂紂虎旅百萬陳於商郊起自黃鳥至
於赤斧三軍之士靡不失色武王乃命太公把白旄
以麾之紂軍反走漢書袁盎曰陛下至代邸西嚮讓

天子者三南嚮讓天子者再夫許由一讓陛下五以
天下讓過許由四矣傳劍璽見十一卷註肅宗克定
兩京迎上皇還京請歸東宮及於戲昔堯及舜禹皆
涕泣受傳國璽詳見十一卷註
無聖子睿曆數去已終大寶假人飾讓以成千載之
美未若以文明鴻業授之元良與天同休相統億祀
則我唐至公而無私越三聖而殊軌騰萬人之喜氣
闢八極之祥雲上皇恩汾陽而高蹈解負重於吾君
能事斯畢與人更始堯舜無聖子文乃兼禹言之誤
也書大禹謨天之曆數在汝躬
蔡氏集傳曆數者帝王相繼之次第猶歲時節氣之
先後周易聖人之大寶曰位鴻業大業也後漢書皇
帝幼冲承統鴻業禮記一有元良萬國以貞世子之
謂也漢書曹褒傳三五步驟優劣殊軌尚書大傳御
雲爛兮禮漫兮莊子堯治天下之民平海內之政
在見四子藐姑射之山汾水之陽皆然喪其天下焉

淮南子堯舉天下而傳之於舜若解重負然非直辭
讓誠無以為也漢書夫赦令者將與天下更始後漢
書蕩滌宿惡乃展祀郊廟望秩山川方掩骼於河洛
與入夷始

弔人於幽燕但詠元凶不問小罪噫大塊之氣歌炎

漢之風雲滂洋雨汪濊滌滌澤除瑕類削平國步

號乾元至矣哉其雄圖景命有如此者韻會展誠也

於山川孔氏傳諸侯境內名山大川如其秩次望祭

之謂五岳牲禮視三公四瀆視諸侯其餘視伯子男

蔡氏集傳望而祭之故曰望秩者其牲幣祝號之

第呂氏春秋掩骼露髀高誘註白骨曰骼宋書之梟

元凶少雪仇恥莊子大塊噫氣其名為風漢高祖大

風歌見二十卷註司馬相如難蜀父老文威武紛紜

灌恩汪濊顏師古註汪濊深廣也王僧孺謝除吏部

郎啟自遇休明多逢渥澤詩大雅國步斯艱集傳曰

步猶運也江淹恨賦雄圖既溢武力未畢詩大雅

君子萬年景命有僕骼音格穢音穢類音類我

邦伯韋公大彭之洪亂扶陽

郭本

之貴族雄略邁古

高文變風運當一賢才堪三事歷職剖劇能聲旁流

振繆本繡而白筆橫冠分符而形襜入境曩者永王

以天人授鉞東巡無名利劍承疾以脅從壯心堅守

而不動房陵之俗安於太山休奕列郡去若始至

名岐下深嘉直誠邦伯謂刺史見六卷註唐書韋氏

少康之世封其別孫元哲於豕韋其地滑州韋城是

也豕韋大彭迭為商伯周赧王時始失國徙居彭城

以國為氏韋伯遐二十四世孫賢漢丞相扶陽節侯又徙

徙居魯國鄒縣孟四世孫賢漢丞相扶陽節侯又徙

京兆杜陵晉書樂志載奕世垂慶洪亂後漢書荀

彧聞曹操有雄畧甄鸞笑道論文始傳云五百年一

賢千年一聖三事三公也見十九卷註繡衣白筆御

史事見十一卷註分符形襜刺史事分符謂郡守得

分虎符竹使符詳五卷註形獲見十四卷註天人見
 五卷註薛道衡高祖文帝頒授鉞天人豁然清蕩
 永王東巡事詳後三十卷註藝文類聚摯虞新禮儀
 曰漢魏故事遣將出征符節即授鉞於朝堂新禮遣
 將御臨軒尚書授節鉞古兵書跪而推轂之義也唐
 六典凡大將出征皆告廟授斧鉞唐書地理志山南
 東道有房州房陵郡漢書易於反掌安於泰山岐下
 岐山之下唐時為岐州扶風郡肅宗時改稱鳳翔郡
 未復京師以前駐蹕其移鎮夏口救時艱也慎厥職
 地者凡八月○時音吁

康乃入減兵歸農除害息暴大水滅郭洪霖注川人

見憂於魚鼈岸不辨於牛馬公乃抗辭正色言於城

隍曰若三繆本一日雨不歇吾當伐喬木焚清祠精心

感動其應如響無何中郭本使銜命徧繆本祈名山

廣徵牲牢驟欲致祭公又盱衡而稱曰今主土明聖

懷於百靈此淫昏之鬼不載祀典若煩國禮是荒郊

風其秉心達識皆此類也物不知化如登春臺杜氏

鄂州吳時常為重鎮歷代亦為兵衝其地亦曰夏口
 亦曰魯口曹毗霖雨詩洪霖彌旬日翳翳四區昏劉
 勰新論禹為匹夫未有功名堯深知之使治水焉使
 百川東注於海西被於流沙生人免為魚鱉之患莊
 子秋水時至百川灌河涇流之大兩涘渚崖之間不
 辨牛馬按城隍之祀莫詳所自燕湖城隍相傳建於
 吳赤烏二年則其來久矣南史梁邵陵王綸祭城隍
 神北史慕容嚴鎮郢城城中先有神祠一所號城隍
 神唐李陽冰縉雲縣城隍神記城隍神祀典無之惟
 吳越有爾風俗水旱疾疫必禱焉太平廣記吳俗長
 鬼每州縣必有城隍神陸游云唐以來郡縣皆祭城
 隍今世尤謹守令謁見儀在他神祠上社稷雖尊特
 以令式從事至所禱報賽獨城隍而已詩國風南有
 喬木毛傳曰喬土棟也唐書肅宗嘗不豫太卜建言
 崇在山川王嶼遣女巫乘傳分禱天下名山大川巫
 皆盛服中人護領此文所云中使御命常祈名山即

其事也漢書盱衡厲色孟康註眉上曰衡盱衡舉目揚眉也左思魏都賦有睟其容乃盱衡而誥劉淵林註盱衡舉眉大視也班固東都賦禮神祈懷百靈左傳又用諸淫昏之鬼書伊訓敢有恒舞於宮酣歌於室時謂巫風老子衆人熙熙如享太牢如登春臺河上公註春陰陽交通萬物咸動登臺觀之意志淫淫也然有若江夏縣令薛公揖四豪之風當百里之寄幹

蠱有立含章可貞遵之典禮恤疲於和樂政其成也

臻於小康

江夏縣鄂州附郭之縣四豪見十二卷註易蠱卦初六幹父之蠱坤卦六三含章可貞孔穎達正義云六三處下卦之極既居陰極能自

降退不為事始惟內含章美之道待命乃行可以得正故曰含章可貞中京重觀於漢儀列郡還聞於舜樂選鄂之勝帳於東門乃登爾歌擊土鼓祀蓐收迎

田祖招搖回而大火乃落閭闔啟而涼風始歸笙箏

和籥之音象星辰而迭奏吳楚巴渝之曲各土風而

備陳禮容有穆簪笏列序羅衣蛾眉立乎玳筵之上

班劍虎士森乎翠幕之前千變百戲分曹賈勇蘭

蘭子跳劍迭躍流星之輝都盧尋幢倒挂浮雲之影

百川繞郡落天鏡於江城四山入牖照霜空之海色

獻觴醉於晚景舞袖紛於廣庭

唐書地理志上都初曰京城天寶元年曰

西京至德二載曰中京上元二年復曰西京選鄂之勝選擇鄂城名勝之區也周禮籥章掌土鼓籥籥凡

國祈年於田祖籥幽雅擊土鼓以樂田畷鄭康成註

杜子春云土鼓以瓦為匡以革為兩面可擊也田祖始耕田者謂神農也幽雅七月也七月有于耜舉趾

饒彼南畝之事是以亦歌其類謂之雅者以其言男

女之正蓐收司秋令之神見二卷註詩小雅琴瑟擊

鼓以御田祖毛傳曰田祖先嗇也正義曰郊特牲註

李太白文集卷二十九

云先嗇若神農春官籥章註云田祖始耕田者謂神農是也以前祖者始也始教造田謂之田祖先為稼穡謂之先嗇神其農業謂之神農名殊而實同也鄭康成禮記註招搖星在北斗杓端主指者正義曰招搖北斗七星也北斗居四方宿之中以斗末從十二月建而指之則四方宿不差大火心星也見五卷註閩闔西極之門見十九卷註禮月令孟秋之月涼風至荀子鼓似天鐘似地磬似水竽簫箏箛似星辰日月並女媧之所作也笙列管九子匏內施箏而吹之竽大三十六管風俗通大笙謂之巢小笙謂之和郭璞爾雅註籥如笛三孔而短小廣雅云七孔漢書樂志巴俞鼓員三十六人顏師古註巴人並趨捷善鬪與之定也當高祖初為漢王得巴俞人並趨捷善鬪與之定三秦滅楚因存其武樂巴俞之樂因此始也巴即今之巴川俞即今之渝州各其本地晉書漢高祖自蜀漢將定三秦閬中范因幸賓人以從帝為前鋒及定秦中封因為閬中侯復賓人七姓其俗喜舞高祖樂其猛銳數觀其舞後使樂人習之閬中有渝水因其所居故名曰巴渝舞舞曲有牙渝本歌曲有渝水因歌

曲安臺本歌曲行辭本歌曲總四篇王融三月三日曲水詩序序容有穆賓儀式序劉楨瓜賦布象牙之席薰玳瑁之筵班劍按文選註李善曰晉公卿禮秩曰諸公及開府位從公者給虎賁二十人持班劍焉漢官儀曰班劍者以虎皮飾之李周翰曰班劍考班劍無刃假作劍形畫之以文故曰班也文獻通考班劍本漢朝服帶劍晉易以木謂之象劍取裝飾班斲之義此一說也又文選註劉良曰班劍謂執劍而從行者也呂向曰班劍也言使勇士行列持劍以為儀仗也胡三省通鑑註班劍持劍為班立車前也又曰班劍也持劍成列夾道而行也以班為行列之義又班一說也未知孰是虎士見八卷註潘岳籍田賦翠幕其技與左傳賈勇之義微異列子宋有蘭子者先炫耀千宋元宋元名而使見其伎以雙枝長倍其身屬其脛並趨並馳弄七劍迭而躍之以五劍常在空元君大驚立賜金帛音釋所謂蘭子以技妄遊者也舊唐書梁有長驕伎擲倒伎跳劍伎吞劍伎今並存張衡西京賦都盧尋撞漢書武帝享四夷之客作巴俞都盧詳見一卷大獵賦註初學記尋撞今之絲竿文獻李太白文集 卷二十九

通考緣橦之技眾矣漢武帝時謂之都盧都盧國名其人體輕而善緣也○渝音于賈音古橦音牀鶴髮之叟雁序而進曰恭聞天子無戲言恐轉公以大用老父不畏死願留公以上聞悅坐棠而食風庶刻石以賔繆本美庾信竹杖賦鶴髮雞皮蓬頭歷齒雁之序不相紊亂史記史佚曰天子無戲言則史書之禮成之樂歌之風俗通名公當農桑之時重為所煩勞不舍鄉亭止於棠樹之下聽訟決獄百姓各得其所壽百九十餘乃卒後人思其德美愛其樹而不敢伐詩甘棠之所作也隋書白觀樂入楚聞韶在齊王貞傳坐棠聽訟事絕咏歌

採諸行謠遂作頌曰左傳吳公子札來聘請觀於周樂說苑孔子至齊郭門之外遇一嬰兒挈一壺相與俱行其視精其心正其行端孔子謂御曰趣驅之韶樂方作孔子至彼聞韶三月不親見其美猶之在齊而聞韶二句乃流水對法或疑

入楚為誤者非也

爽朗太白雄光下射崢嶸金天華岳旁連降精騰氣赫矣昭然誕聖五日垂休萬年孽胡挺災大人有作雷霆發揚攬槍乃落九服交泰五雲縈薄掃雪屯蒙洗清寥廓軒后訪道來登峨嵋郭本作娥眉上皇西去異代同時六龍轉駕兩曜迴規重遭唐主更覩漢儀肅肅韋公大邦之翰秀骨岳立英謀電斷宣風樹聲遠威逆亂不長不極樂奏爭觀九劍揮霍魚龍屈盤東迴舞袖西笑長安頌聲載路豐碑是刊史記正義天者西方金之精白帝之子上公大將軍之象也徑一百里太白即金星也附日而行或行在日之先或行

在日之後雖無定所而總之日行一度其光芒所射
五星之中惟太白最為明朗金天見三卷註華岳見
七卷註韻會說文方彗星為攬槍周禮乃辨九服之
邦國方千里曰甸服又其外方五百里曰侯服又其外
方五百里曰采服又其外方五百里曰男服又其外
方五百里曰采服又其外方五百里曰男服又其外
地交秦五雲見七卷註屯蒙見十一卷註寥廓見一
卷註拉子昔黃帝到峨嵋山見天眞皇人於玉堂
請問真一之道皇人曰子既君四海復欲求長生不
亦貪乎六龍見八卷註復見漢官威儀見十一卷註
詩大雅大邦維屏大宗維翰又曰維申及南維周之
翰毛傳曰翰幹也鄭箋曰為周楨幹之臣陸機詩吳
實龍飛劉亦岳立周書英謀電發神旆風馳孫楚白
起贊神機電斷氣濟師然宋書樹聲列藩宣風鉉德
禮記放不可長樂不可極張衡西京賦跳九劍之揮
霍薛綜註揮霍謂九劍之形也張銑註跳九劍之揮
也揮霍鈴劍上下貌漢書作巴俞都盧海中碣極曼

衍魚龍角抵之戲顏師古註魚龍者為舍利之獸先
戲於庭極畢乃入殿前激水化成比目魚跳躍激水
作霧障日畢化為黃龍八丈出水敖戲於庭炫耀日
光西京賦云海鱗變而成龍即為此色也西笑長安
見十二卷註詩大雅厥聲載路集傳曰載滿也徐陵
孝義寺碑謹勒豐碑陳其舞詠○挺音羶攪初銜切
擗平聲

比干碑 唐文粹載李翰所作殷太師比干碑即
只八十餘字而已按唐書李翰傳翰擢進士第
調衛尉天寶末房瑁韋陟俱薦為史官宰相不
肯擬與此文所云天寶十祀余尉於衛校為胎
合疑是太白代翰起草而翰竄改數字以理不
者歟或謂翰亦以文鳴似無倩人代筆之理不
知一行作吏簿書鞅掌之不遑代人言視草勢所
不免如李衛公一品集序鄭亞所作亦命李義
山起草而自加更定者也又何疑於翰焉弟其
文質實疏達與集中諸作另成一格恐實出自
翰手後之編輯者或誤以李翰為李翰林遂爾

探入集中即巨眼者必能辨之

太宗文皇帝既一海內明君臣之義貞觀十九年征

島夷唐文粹作師次殷墟乃詔贈少師文粹作乃下

師比干為太師謚曰忠烈公遣大臣持節弔祭文粹

申命郡縣封墓葺祠置守冢文粹多五以少牢時享

著於甲令刻於金石故比干之忠益彰臣子得述其

志文粹作得以述其志也○島夷高麗國也其地在

杜預註殷虛朝歌也冊府元龜貞觀十九年二月庚

戌與駕發洛陽丁巳詔曰昔望諸列國之相漢主尚

求其後夷吾霸者之臣魏君猶禮其墓况正直之道

邁青松而孤絕忠勇之操掩白玉而振彩者哉殷故

少師比干貞一表德鄰幾成性以明允之量屬無妄

之辰玉馬遽馳臨其邦之殄瘁寶衣將燎情其君之

覆亡其義不回懷忠蹈節讜言纔發輕百齡之命淫

刑既逞碎七尺之軀雖復周王封墓莫救焚如之禍

孔聖稱仁寧追剖心之痛朕自趙魏問罪遼碣途經

麥秀之墟緬懷桑梓之地駐蹕而瞻荒隴願以為臣

撫躬而想幽泉思聞其諫豈可使慎終之義久闕於

行冊易名之典無聞於後代宜錫龍命以展宿心可

追贈太師謚曰忠烈所司崇其墓而葺其祠州縣春

秋二時祀以少牢給隨近五戶以供灑掃帝自為文

以祭之鄭康成儀禮註禮將祭祀必先擇牲繫於牢

而芻之羊豕曰少牢漢書吳芮傳著於甲令而稱忠

也顏師古註甲者令篇之次也昔商王受毒痛於四

又叙傳著於甲令民用寧康昔商王受毒痛於四

海文粹下多悖於三正肆厥淫虐下罔敢諍文粹於

是微子去之箕子因之而公獨死之書泰誓今商上

災下民又云作威殺戮毒痛四海孔安國傳痛病也

史記今殷王紂乃用其婦人之言自絕於天毀壞其

三正裴駟註馬融曰動逆天地人也史記紂愈淫亂

不正微子數諫不聽乃與太師少師謀遂去比干日

李太白文集卷二十九

為人臣者不得以死爭乃強諫紂紂怒曰吾聞聖人
心有不戢剖比干觀其心箕子懼乃伴狂為奴紂
又囚之○非夫捐生之難處死之難文粹作非捐生
痛音鋪之難故不可死而死文粹下多是輕其生非
非處死之難故不可死而死文粹下多是輕其生非
得死之難故不可死而死文粹下多是輕其生非

孝也可死文粹作得其死而不死是重其死非忠也王曰
作叔父親其文粹作莫至焉國之元臣位莫崇焉親文粹作崇

高二不可以觀其危昵文粹作親昵二字不可以忘其祖則
我臣文粹作湯二字之業將墜於泉商王之命將絕於天

整扶其顛遂諫而死剖心非痛亡殷為痛文粹作殷亡是痛
公之忠烈文粹下多其若是焉文粹作乎○楚辭章句比干紂之諸父也

書泰誓自絕於天結怨於民故能獨立危邦橫抗與運周武以三

分之業有諸侯之師實文粹作資其十亂之謀總其一心
之衆文粹少當公之存也乃文粹作則戢彼西土及公之

喪也乃觀乎文粹作於孟津公存而殷存公喪而殷喪興
亡兩郭本作而繫豈不重與史記文王伐崇密須犬夷大作豐邑天下三分

其二歸周十亂見二十六卷註書泰誓受有臣億萬
惟億萬心予有臣三十惟一心孔安國傳三千一心

言同欲也又泰誓西土有衆咸聽朕言孔安國傳武
王在西故稱西土史記武王渡河諸侯不期而會盟

津者入百諸侯皆曰紂可伐矣武王曰女未知天命
未可也乃還師歸居二年聞紂昏亂暴虐滋甚殺王

子比干囚箕子於是武王徧告諸侯曰殷有重罪不
可以不畢伐遂率戎車三百乘虎賁三千人甲士四
萬五千人以東伐紂十一年十二月戊午師畢渡盟
津孔安國尚書傳武王三年服畢觀兵孟津以卜諸
侯伐紂且聖人立教懲惡勸善而已矣人倫大統父
之心

子君臣而已矣少師存則垂文粹其統歿則垂其教

奮乎千古之上行乎百王之末俾夫淫者懼佞者慙

義文粹者思忠者勸其為戒文粹也不亦大哉而文粹

缺而夫子稱殷有三仁是文粹豈無微旨嘗敢頤

文粹論之曰存其身存其宗亦仁矣存其名一作存其

祀亦仁矣亡其身圖其國亦仁矣文粹存其身存

也文粹身存其國亦仁若進死者退生者狂狷之士將奔走

之文粹喪生一作死一作死者冥安之人將冥力焉故同歸

諸仁各順其志殊塗而一揆異行而齊致俾後文粹

字人優柔而自得焉蓋春秋微婉之義杜預春秋左

傳序將令學

者原始要終尋其枝葉究其所窮優而柔之使自得

之文粹之饜而飲之使自趨之左傳春秋之稱微而顯婉而

婉杜預註文微而義著辭必將建皇極立彝倫闢在

三之門文粹垂不二之訓以明知於世文粹

世則夫人臣者既移孝於親而致之於君焉有聞親

失而不諍文粹親危而不救從容安地而自得

甚哉不然矣文粹從容安地而稱得理是不然矣

極中也凡立事當用大中之道正義云施政教治下

民當使大得其中無有邪僻也又曰彝倫攸叙集傳

曰彝常倫理也所謂秉彝人倫也國語民生於三事

之如一父生之師教之君食之非父不生非食不長

非教不知生之族也故一事之章昭曰三君父師也

如一服勤至死也抱朴子民生在三奉之如一史記

王蠲曰忠臣不聞二夫孝於其親人之親皆欲其子

君貞女不更二夫

李太白文集 卷二十九 三

忠於其主人之主皆欲其臣文粹作孝於其親者人之親皆願其為子忠於

其君才人之君故歷代帝王皆欲精顯文粹作莫於

武下車而封其墓魏武文粹作氏琦南遷而創其祠

我太宗有天下禪百神文粹多盛其禮追贈太師謚

曰忠烈中命郡縣封墳文粹葺廟置守冢五家以少

牢時享著於甲令刻於金石於戲哀傷列辟主君封

德文粹作主正與神明秩視郡王文粹作德為神身

滅而榮文粹益大世絕而祀愈長然後知忠烈之道

激天感人文粹作感深矣禮記武王克殷反商下車

註積土為封封比于墓崇賢也史記命閔天封比于

墓在衛州汲縣北十里二百五十步水經註牧野有

殷大夫比于冢前有石銘題隸云殷大夫比于之墓

所記惟此今已中折不知誰所誌也太和中高祖孝

文皇帝南巡親幸其墳而加弔焉到石樹碑列於墓

隨墨莊漫錄比于墓在衛州西山去城數十里有漢

唐以來碑刻甚多墓周圍數里生異木樛結不可入

河南通志殷太師廟在衛輝府城北十五里祀殷太

師比于魏文帝建唐貞觀中修葺城北史魏孝文遷洛

路由朝歌見殷比于墓愴然悼懷為文以弔之據二

書所云乃魏文帝也文言魏武恐誤章氏國語解索

見前篇註天寶十祀余尉於衛拜首文粹祠堂魄

感精動而廟在鄰邑官非式閭斲文粹石銘表以誌

丕烈翰官於衛縣而比于廟在汲縣故曰鄰邑周書

立乘有所敬則俯而憑式遂以式為敬名說文云閭

賢也文粹銘文粹曰

糜軀非仁蹈難非智死於其死然後為義忠無二軀

文粹烈有餘氣正直聰明至今猛文粹視咨爾來代

為臣不易盧諶贈劉琨詩序意氣之間糜軀不悔李

朔七諫子胥

武昌宰韓君去思頌碑

并序○新唐書韓愈傳

封安定王父仲卿為武昌令有美政既去縣人

仲尼大聖也宰中都而四方取則子賤大賢也宰單

父人到於今而思之乃知德之休明不在位之高下

其或繼之者得非韓君乎

史記孔子為中都宰一年

子有宓子賤者仕於魯為單父宰得行其政於是單

信百姓化之○君名仲卿南陽人也昔延陵知晉國

之政必分於韓獻子雖不能過屠岸之誅存孤嗣趙

郭木作起太史公稱天下陰德也其賢才羅生列侯十世

不亦宜哉

南陽郡即鄧州也唐時屬山南東道新唐

叔成師生武子萬食采韓原生定伯定伯生子與子

與生獻子厥從封遂為韓氏史記晉世家吳延陵季

子來使與趙文子韓宣子魏獻子語曰晉國之政卒

歸此三家矣又韓世家晉景公之三年司寇屠岸賈

將作亂誅靈公之賊趙盾盾已死矣欲誅其子趙朔

趙朔死不恨矣韓厥許之及賈誅趙氏厥稱疾不出

程嬰公孫杵臼之藏趙孤趙武也厥知之景公十一

年晉作六卿而韓厥在一卿之位號為獻子景公十

七年疾小大業之後不遂者為崇韓厥稱趙成季之

功今後無祀以感景公景公問曰尚世乎厥於是

厥之感晉景公紹趙孤之子武以成程嬰公孫杵臼
之義此天下之陰德也韓氏之功於晉未觀其大者
也然與趙魏終為諸侯十餘世宜乎哉琦按全趙孤
者韓獻子厥也延陵季子所稱者韓宣子起也今太
白似作一七代祖茂後魏尚書令安定王五代祖鈞
人用疑誤
金部尚書曾祖賧銀青光祿大夫雅州刺史祖泰曹
州司馬考睿素朝散大夫桂州都督府長史分茅納
言剖符佐郡奕葉郭木明德休有烈光君乃長史之
元子也北史韓茂字元興安定安武人為武貴郎將
公文成踐祚拜尚書令加侍中征南大將軍卒贈安
定王長子備襲爵安定公備弟均字天德初為中散
賜爵范陽子遷金部尚書凡備卒均襲爵安定公征
南大將軍歷定青冀三州刺史除大將軍廣阿鎮大
將加都督三州諸軍事復授定州刺史按此則鈞字
是均字之誤但均乃茂之子非茂之孫與七代五代

之文不合而唐書宰相世系表亦以為茂生二子備
均均生賧賧生仁泰仁泰生叙素則疑文之誤也唐
書之誤又因此文之誤而誤歟李翱韓文公行狀曾
祖泰皇任曹州司馬祖濟素皇任桂州長史父仲卿
皇任秘書郎皇南湜韓文公神道碑曾祖叙素為唐
桂州長史善化行於江嶺之間通典魏尚書有金部
郎其後歷代多有之北齊金部主才量尺度內外諸
庫藏文帳唐書百官志文散階從三品曰銀青光祿
大夫從五品下曰朝散大夫雅州廬山郡屬劍南道
曹州濟陰郡屬河南道桂州始安郡屬嶺南道分茅
見十五卷註漢書龍作納言出入帝命應劭註納言
如今尚書官王之喉舌也北堂書鈔尚書唐虞官也
唐虞曰納言周官為內史大唐新語尚書古之納言
潘岳曰納言諫詔符專城紆青拖墨之司李善註東
觀漢紀韋彪上議曰二千石皆以選出京師剖符典
千里張銑註剖符謂剖竹分符猶今之印也分茅謂
加玉爵納言謂為尚書剖符符謂為刺史長史佐郡謂
為司馬詩周頌倬革有鷁休有烈光魯頌建爾元子
俾侯於魯毛傳曰妣有吳郭本錢氏及長史即世夫
元首也○賧音俊

人早孀弘聖善之規成名四子文伯孟軻二母之儔
歟詩國風母氏聖善列女傳魯季敬姜者魯大夫公
姜守養文伯出學而還歸敬姜側目而盼之見其友
上堂從後階降而却行奉劍而正履若事父兄文伯
自以為成人矣敬姜召而數之曰以子年之少而位
之卑所與遊者皆為服役子之不益亦以明矣文伯
乃謝罪於是乃擇嚴師賢友而事之所與遊處者皆
黃髮倪齒也文伯引衽擗捲而親饋之敬姜曰子成
人矣君子謂敬姜備於教化又曰鄒孟軻之母也號
孟母孟子既學而歸孟母方績問曰學所至矣孟子
曰自若也孟母以刀斷其機孟子懼而問其故孟母
曰子之廢學若吾斷斯織也夫君子學以立名問以
廣知是以居則安寧動則遠害今而廢之是不免於
斯役而無以離於禍患也何以異於織績而食中道
廢而不為寧能衣其夫子而長不彊食哉女則廢
其所食男則墮於修德不為竊盜則為虜役矣孟子
懼旦夕勤學不息師事子思遂成天下少鄉當塗縣
之名儒君子謂孟母知為人母之道矣

丞感槩重諾死節於義雲卿文章冠世拜監察御史

朝廷呼為子房紳鄉尉高郵才名振耀幼負美譽

皇南
是韓文公神道碑叔父雲卿當肅宗代宗朝獨為文
章冠李翱韓君夫人韋氏墓誌銘禮部郎中雲卿好
立義節有大功於昭陵其文章出於時而官不甚高
韓愈科斗書後記愈叔父當大曆世文辭獨行中朝
天下之欲銘述其先功行取信於來世者咸歸韓氏
昌黎集註韓雲卿上元辛丑特進試鴻臚卿兼御史
中丞仕終禮部侍郎唐書百官志御史臺有監察御
史十五人正八品下韓愈號州司戶韓府君墓誌銘
安定桓王五世孫獻素為桂州長史化行南方有子
四人最季曰紳鄉文而能言嘗為揚州錄事參軍事
故宰相崔圓圓狎愛州民丁某至顧省其家後大衙
會日司錄君趨以前大言曰公與小民狎至至其家
害於政圓驚謝曰錄事言是圓實過乃自署罰五十
萬錢由是遷涇陽令破豪家水碾利名田頃凡百萬
琦按此文本頌韓公德政而兼及其諸弟蓋因上文
成名四子而叙其事以實之也又此文序其兄弟少

李太白文集 卷二十九 三

長名諱皆與昌黎集合乃唐書宰相世系表以獻素
生七子無少卿而有晉卿季卿子卿升卿與此大異
夫以歐陽公所修之史表而與其家傳不能無誤繆
信史蓋難言矣唐時淮南道有高郵縣隸揚州廣陵
郡君自潞州銅鞮尉調補武昌令未下車人懼之既

下車人悅之惠如春風三月大化姦吏束手豪宗側
目有鬻玉者三江之巨橫此下似有缺文白額且去清琴高

張兼操刀永興二邑同化唐時河東道有銅鞮縣隸

武昌縣有永興縣俱隸鄂州江夏郡吳錄陸稠為廣
陵太守奸吏斂手廣陵諺曰解結理煩我國陸君後
漢書廉范傳漢興以廉氏豪宗自苦徑徙焉史記鄧
都行法不避貴戚列侯宗室見都側目而視號曰蒼
鷹鬻玉蓋當時盜賊之名為橫於江上者白額虎也
見一卷註清琴高張用子賤事見二十卷註操刀用
子產事見九卷時鑿齒磨牙而當作兩京宋城易子
註○鞮音低

而炊骨吳楚轉輸蒼生熬然而此邦晏如襁負雲集

居未二載戶口三倍其初銅鐵會青未擇地而出太

出作冶鼓鑄如天降神既烹且爍數盈萬億公私其

賴之官絕請託之求更無絲毫之犯揚雄長楊賦昔

土竄窳其民鑿齒之徒相與磨牙而爭之應劭曰淮

南子云堯之時突窳封豨鑿齒皆為民害鑿齒齒長

五尺食人李奇日以喻秦貪婪殘食其民也此以喻

祿山陷兩京而肆暴也史記楚莊王圍宋五月城中

食盡易子而食析骨而炊按春秋時宋國在唐時為

宋州睢陽郡當至德二載三月賊將尹子奇圍睢陽

至五月始退去七月復圍睢陽張巡許遠據城死守

至十月救兵不至城遂陷先是城中食盡士卒食茶

紙茶紙既盡遂食馬馬盡羅雀掘鼠鼠雀又盡括城

中婦人食之繼以男子老弱人知必死莫有叛者所

謂宋城易子炊骨正指其事漢書夫敖倉天下轉輸

久矣曹植求自試表方今天下一統九州晏如三國

志註博物記曰襪織縷為之廣八寸長丈二以約小兒於背上負之而行習鑿齒文故能德音悅暢襪負雲集唐書地理志永興縣有銅有鐵武昌縣有銀有銅有鐵太平御覽本草經曰會青出蜀郡名山其山有銅者會青出其陽會青者銅之精能化本道採訪金銀莊子今大冶鑄金大冶謂鼓鑄之所

大使皇甫公侁聞而賢之擢佐輔軒多所弘益尚書右丞崔公禹稱之於朝相國崔公渙特奏授鄱陽令兼攝數縣所謂投刃而皆虛為其政而則理成去若始至人多懷恩本道謂江南西道冊府元龜開元中皆以刺史為之節度使以司戎事採訪使以聽民政輔輦使車也見九卷註唐書百官志尚書省有右丞一人正四品下唐時江南西道有鄱陽縣隸饒州鄱陽郡孫緯天台山賦投刃皆虛目無全牛李周翰註庖丁解牛三年之後所見皆非全牛已見其骨節但以神為不以目視而投刃皆虛為其收句似有缺文

○侁音華 新宰王公名庭璘巖郭本然太華浼然洪河含

章可貞幹蠱有立接武比德絃歌連聲服美前政聞

諸耆老與邑中賢者胡思泰一十五人及諸寮吏式

歌且舞願揚韓公之遺美巖然太華喻其高峻如華岳浼然洪河喻其廣大如

黃河韻會浼浼水流平貌詩河水浼浼含章幹蠱已見本卷註禮記堂上接武鄭康成註武跡也孔叢子昔者號叔閔天太顛散宜生南宮适五臣同寮比德以贊文武詩小雅雖無德與女式歌且舞○浼音美

白採謠刻石而作頌曰

峨峨楚山浩浩漢水黃金之車大吳天子武昌鼎據

實為帝里時躡世訛薄俗如燬韓君作宰撫茲遺人

滂汪繆本作註王澤猶鴻得春和風潛暢惠化如神刻石

萬古永思清塵通典鄂州自春秋以來皆屬楚有江漢二水在州西合秦屬南郡漢高祖

置江夏郡吳分江夏更置武昌郡孫權嘗都之孫皓

又徙都之常為重鎮三國志孫權傳黃龍元年春公

卿百司皆勸權正尊號夏四月丙申即皇帝位大赦

改年初興平中吳中童謠曰黃金車班蘭耳閉閭門

出天子薄俗如燬謂如火之焚壞而貧薄也詩

國風王室如燬惠化見九卷註○難與艱同

虞城縣令李公去思頌碑并序○虞城縣唐時

隸河南道之宋州睢陽郡金石錄唐虞城令李公去思頌李自撰王

過書碑側題云元和四年二月重篆蓋過不與

自同時此碑後來始建歐陽集古錄云過在陽

冰前者誤也按此則此碑未未南渡以前猶存

王者立國君人聚散六合咸土以百里雷其威聲革

其俗而風之漁其人而涵之其猶衆鮮洋洋樂

化在水波而動之則憂頰尾之刺作焉徐而清之則

安頰首之頌興焉苟非大賢孰可育物而能光昭絃

歌卓立振古則有虞城宰公焉趙岐孟子註諸侯方

百里象雷震也藝文類聚論語識曰雷震百里聲相附近宋均註曰雷動

百里故因以制國也雷聲謂諸侯之政教所至相附

近也詩國風魴魚頰尾毛傳曰頰赤也魚勞則尾赤

正義曰言魴魚勞則尾赤毛傳曰頰赤也魚勞則

雅魚在在藻有頰其首毛傳曰頰大首貌鄭箋曰魚

之依水草猶人之依明王也魚處於藻既得其性則

肥充其首頰然詩周頌振古如茲公名錫字元勳隴

毛傳曰振自也○頰音稱頰音焚

西成紀人也高祖措脩上大將軍縣益原三州刺史

封汝陽公會祖騰雲皇朝廣茂二州都督廣武伯祖

立節起家韓王府記室叅軍襲廣武伯父浦郢海淄

唐陳五州刺史魯郡都督廣平太守襲廣武伯皆納

李太白文集 卷二十九 三

忠王庭名鏤鐘鼎侯伯繼跡故可略而言焉唐時成紀縣屬

秦州天水郡不屬渭州隴西郡此云隴西成紀蓋叙族望本古郡縣而言也按隋書百官志上大將軍高

祖所置其位在柱國之下大將軍之上蓋散爵也所以酬功臣者隋時縣州益州皆在蜀地原州在秦地

汝陽縣名蔡州汝南郡所統唐時廣州南海郡隸嶺南道設中都督府有都督一人正三品廣州通化郡

隸劍南道設下都督府有都督一人正三品茂州武都郡

名隴右道蘭州所屬乾元二年更名金城唐書百官志王

木郡隸山南東道海州東海郡淄州淄川郡皆隸河南道

南道唐州淮安郡隸山南東道陳州淮陽郡隸河南道

從二品廣平郡即隸河南道設上都督府有都督一人

洛州隸河北道公即廣武伯之元子也年十九拜

北海壽光尉心不挂細務口不言人非群吏罕測望

風敬憚壽光縣唐時隸河南秩滿轉右武衛倉曹叅

道之青州北海郡

道之青州北海郡

道之青州北海郡

軍次任趙郡昭慶縣令奉詔修建初啟運二陵總徒

五郡支用三萬貫舉築雷野不鞭一人功成餘八千

貫其幹能之聲大振乎齊趙矣時名卿巡按陵有黃

赤氣上衝太微散為慶雲數千處蓋精勤動天地也

如此因粉圖奏名編入國史唐書百官志左右武衛

正八品下元和郡縣志河北道趙州有昭慶縣東北

至州九十里隋為大陸縣武德四年改為象城縣天

寶元年改為昭慶縣皇十三代祖宣皇帝建初陵高

四丈周迴八十八步皇十二代祖光皇帝啟運陵高四

丈周迴六十步二陵共塋周迴一百五十六步在縣

西南二十里唐會要獻祖宣皇帝葬趙州昭慶縣界

儀鳳二年五月一日追封為建昌陵開元二十八年

七月十八日詔改為建初陵懿祖光皇帝葬趙州昭

慶縣儀鳳二年五月一日追封為建初陵懿祖光皇帝葬趙州昭

八年七月十八日詔改為建初陵懿祖光皇帝葬趙州昭

散雷野高鋒雲章懷太子註雷野言其聲盛也大
微垣十星見一卷註漢書若烟非烟若雲非雲郁郁
紛紛蕭索輪囷是為天寶四載拜虞城令而天章寵
慶雲慶雲見喜氣也
榮俾金玉王度炯繆本若七曜昭回堂隅於戲敬之
哉左傳思我王度式如玉式如金穀梁傳疏宸威郭
七曜者日月五星皆照天下故謂之七曜
作臨願作訓以理其俗魯而木舒而徐急則狼繆本
戾緩則鳥散公酌以鈞繆本道和之琴心於是安四
人敷五教處必糲食行惟單車觀其約而吏儉仰其
敬而俗讓激直士之素節揚廉夫之清波三月政成
鄰境郭本取則史記夫趙王之狼戾無親大王之所
如博影此言其風俗之傲事急則狼戾無相親之意
事緩則鳥散無相顧之意說苑宓子賤為單父宰過

於陽晝陽晝曰吾少也賤不知治民之術有鈞道二
請以送子王儉諸淵碑文參以酒德間以琴心此文
借用其字垂鈞鼓琴皆能令人心靜承上文緩急之
事而言其當靜以治之也四八即四民士農工商也
尚書汝作司徒勸勉五教孔安國傳布五常之教也
廣韻糲麤也米不精也北史裴邃之任正平也以廉
約自守每行春省俗單車因行春見枯骸於路隅惻
而已○糲音賴又音厲
然疚懷出俸而葬由是百里掩骼繆本四封歸仁有
居喪行號城市者習以成俗公勗之親鄰厄以凶事
而鰥寡惇獨眾所賴焉可謂變其頽風永錫爾類後
書鄭弘傳太守第五倫行春見而深奇之章懷太子
註太守常以春行所主縣勸人農桑振救乏絕見續
漢志月令孟春之月掩骼埋瘞鄭康成註骨枯曰骼
左傳我有四封而詰其盜三國志晉陽秋曰足以
鎮靜頽風軌訓懿俗詩大雅孝子不匱永錫爾類鄭
箋曰永長也孝子之行非有竭極之時長以與汝之

族類謂廣之以教導

先時邑中有聚黨橫猾者實惟

二耿之族幾百家焉公訓為純人易其里曰大忠

中正之里北境黎邱之古鬼焉或醉父以刃其子自

公到職蔑聞為灾

太平寰宇記黎邱在虞城縣北二十里高二丈呂氏春秋梁北有黎

邱部有奇鬼焉善效人之子姪昆弟之狀扶而道苦之

之市而醉歸者黎邱之鬼效其子之狀扶而道苦之

丈人歸酒醒而謂其子曰吾為汝父也豈謂不慈哉

我醉汝道苦我何故其子曰泣而觸地曰孽矣無此來

也昔也往責於東邑人可問也其父信之曰嘻是必

夫奇鬼也我固嘗聞之矣明日端復飲於市欲遇而

刺殺之明旦之市而醉其真子恐其父之不能反也

遂漸迎之丈人望見其真子援劍而刺之丈人智惑

於其似子者而殺其真子按此事在戰國時引官宅

此以頌德政近乎戲言豈唐時此鬼復作歟

舊井水清而味苦公下車嘗之莞爾而笑曰既苦且

清足以符吾志也遂汲用不改變為甘泉

河南通志

虞城縣治內縣令李錫有清操李白撰錫去思

頌載其事後因以名韻會堯小笑貌○莞音緩蠡

作蠡即蠡字省文

邱館東有三柳焉公往來憇之飲水則去

行路勿剪比於甘棠鄉人因樹而書頌四十有六篇

史記名公之治西方甚得兆民和名公巡行鄉邑有

棠樹決獄政事其下自侯伯至庶人各得其所無失

職者名公卒而民人思名公之政懷棠樹不敢伐歌

咏之作甘棠之詩詩曰蔽芾甘棠勿剪勿伐召伯所

蒞○蠡音惟公志氣塞乎天地德音發乎聲容縞乎

若寒崖之霜湛乎若清川之月彈惡雪善速若箭飛

尤能筆工新文口吐雅論天下美士多從之遊非汝

陽三公三郭本伯之積德則何以生此邑之賢老劉

楚瓌等乃相謂曰我李公以神明之化大賴於虞人
虞人陶然歌詠其德官則敬去則思山川鬼神猶懷
之況於人乎乃咨群寮與去思之頌縣丞王彥暹員
外丞魏陟主簿李詵縣尉李向趙濟盧榮等同德比
義好謀而成相與採其瓌蹤茂行俾刻石篆美庶清
風令名奮乎百世之上廣韻賴利也善也揚雄甘泉
賦乃命群寮歷吉日後漢書
李膺請孔融問曰高明明祖父嘗與僕有恩舊乎融曰
先君孔子與君先人李老君同德比義而相師友○
編音稿湛讒上聲
瓌音規詵音幸其詞曰
激揚之水兮白石有鑿李公之來兮雪虞人之惡厥
德孔昭折獄既清五教大行殷雲雷之聲既父其父

又子其子春之以風化成草靡乃影我崗乃雨我田

陽無驕僭繆本作憊四載有年人戴公之賢猶百里之天

棄余往矣茫如墜川哀喪惠博掩骼仁深若井變甘

兕人易心三柳勿剪永思清音詩國風揚之水白石
鑿鑿毛傳曰鑿鑿鮮

明貌鄭箋曰激揚之水波流湍疾洗去垢濁白石鑿
鑿然與者喻桓叔盛強除民所惡民得以有禮義也
頤會雪除也洗也詩小雅我有嘉賓德音孔昭鄭箋
曰孔甚也昭明也說苑吾不能以春風風人陸賈新
語上之化下猶風之靡草潘岳閑居賦訓若風行應
如草靡詩大雅既景迺闕鄭箋曰以日景定其經界
於山之春

為竇氏小師祭璿和尚文釋氏要覽受戒十夏
以前西天皆稱小師

毘奈耶云難陀比丘呼十七眾比丘為小師此
蓋輕呼之也亦通沙門之謙稱也梵言烏波遮

迦于闐國翻為和尚華言力生即親教師也謂
出家者因師之力生長法身出功德財養知慧
命○璿
音旋

年月日某謹以齋蔬之奠敢昭告於和尚之靈伏惟

和尚降靈白天依化遊世角立獨出巖然生知鳳凰

開九苞繆本作包之翼豫章橫萬頃之陂始傳燈而

納照因落髮以從師邁龍象以蹴踏為天人之羽儀

紹釋風於西域迴佛日於東維若大塊之噫氣鼓和

風而一吹熱惱清灑道芽榮滋走吳楚以宗仰將掃

地而歸之後漢書徐禰傳爰自江南卑薄之域而角

詩大雅克岐克嶷毛傳曰岐知意也嶷識也正義曰
岐為有智之意嶷為有識之貌九苞見三卷註神異

經東方荒外有豫章焉此樹主九州其高千丈圍百
尺本上一州南北並列而向西南有九力士操斧伐之
以占九州吉凶斫之復生其州有福創者州伯有病
積歲不復者其州滅亡釋家弟子以佛法通相傳
受繼續不絕如以燈遞相燃點光明當在終不熄滅
故謂之傳燈邁者勇行力行之意維摩詰經十方無
量菩薩或有人從乞手足耳鼻頭目腦髓血肉皮骨
聚落城邑妻子奴婢象馬車乘金銀琉璃磚磑瑪瑙
珊瑚琥珀真珠珂貝衣服飲食如此乞者多是住不
可思議解脫菩薩以方便力而往試之令其堅固所
以者何住不可思議解脫菩薩有威德力故行逼迤
示諸眾生如是難事凡夫下劣無有威德力故行逼迤
逼迤菩薩譬如龍象蹴蹋非驢所堪是名住不可思
議解脫菩薩智慧方便之門釋者梵語具云釋迦此
云能仁佛之姓也凡出家者皆以釋為姓阿含經云
四河入海同一味四姓出家皆名釋是也梁簡
文帝大法頌佛日出世同遣惑霜隋書李士謙傳客
問三教優劣士謙曰佛日也道月也儒五星也韻會
維方隅也莊子大塊噫氣其名為嵐法苑珠林願我

出大風微密滿虛空諸有熱惱處扇之以清涼嵇康
琴賦樂百卉之榮滋韻會滋益也蕃也榮滋猶榮茂
也○巖 鳴呼來無所從去復何適水還火歸蕭散本
音逆

宅寶舟輟棹禪月掩魄痛一往而無蹤愴雙林之變

白謝靈運逸民賦來無所從去無所至圓覺經我今

歸於地吐涕濃血津液涎沫痰淚精氣大小便利皆

歸於水暖氣歸火動轉歸風四大各離今者妄身當

在何處陶淵明自祭文陶子將辭逆旅之館永歸於

本宅涅槃經如來應正徧知乘大涅槃法輪於長路棹

旋往返濟度眾生王僧孺禮佛文驚法輪於長路棹

寶舟於遙壑尚書正義魄者形也謂月之輪郭無光

之處各魄也翅後明生而魄死望後明死而魄生律

曆志云死魄朔也生魄望也涅槃經佛在拘尸那城

力士生地阿利羅跋提河邊娑羅雙樹間二月十五

日臨涅槃時爾時拘尸那城娑羅樹林其林變白猶

如鶴後分曰娑羅樹林四雙八隻西方一雙在佛如

鶴東方一雙在如來後北方一雙在佛之首南方

一雙在佛之足爾時世尊娑羅林下寢臥寶床於其

中夜入第四禪寂然無聲於是時頃便槃涅槃其娑

羅林東西二雙合為一樹南北二雙合為一樹垂覆

寶床蓋於如來其樹即時慘然變白猶如白鶴枝葉

華果皮幹悉皆爆裂墮落某早承訓誨偏荷恩慈忝餐

落漸漸枯悴摧折無餘於禪枝號無輟響泣有餘悲

風於法侶旋落蔭郭本於禪枝號無輟響泣有餘悲

手撰茗藥精誠嚴思冀神道之昭格庶明靈而饗之

謝靈運廬山慧遠法師誄同法餐風棲遲道門洛陽

伽藍記名僧德種負錫為群信徒法侶持花成藪廩

信碑禪枝四靜慧窟郭本為宋中丞祭九江文

為宋中丞祭九江文漢書地理志禹貢九江在

為宋中丞祭九江文尋陽南皆東合為大江應

為宋中丞祭九江文劭曰江自廬江尋陽分為九水經註劉

為宋中丞祭九江文歆云胡漢等九水入彭蠡故言九江矣

為宋中丞祭九江文按舊唐書天寶

為宋中丞祭九江文六載封河瀆為

為宋中丞祭九江文謹以三牲之奠敬祭於長源公之靈

為宋中丞祭九江文李太白文集卷二十九

靈源公濟瀆為清源公江瀆為廣源公淮瀆為惟神

長源公今祭江神而曰長源公蓋字之誤也

包括乾坤平準天地割三峽以中斷流九道以爭奔

網紀南維朝宗東海牲玉有禮祀典無虧三峽見八

見十四卷註綱紀南維為南方眾流之綱紀也朝宗卷註九道

東海見二十二卷註玉告神時薦於座之玉器與牲東海見二十二卷註玉告神時薦於座之玉器與牲

幣俱今萬乘蒙塵五陵慘黷當作慘贖尤非蒼生悉

為白骨赤血流於紫宮宇宙倒懸攬槍未滅含識結

憤思剪元兇左傳天子蒙塵於外敢不奔問官守五

寢詳見八卷註陸機漢高祖功臣頌茫茫宇宙上寢詳見八卷註陸機漢高祖功臣頌茫茫宇宙上

下贖李善註天以清澄之貌也贖媒也李周翰計下贖李善註天以清澄之貌也贖媒也李周翰計

言亂常也庚信哀江南賦潰潰沸騰茫茫慘贖爾雅言亂常也庚信哀江南賦潰潰沸騰茫茫慘贖爾雅

也贖濁也庾信哀江南賦潰潰沸騰茫茫慘贖爾雅也贖濁也庾信哀江南賦潰潰沸騰茫茫慘贖爾雅

孽星為椽槍梁武帝孝思賦彼含識而異見同有孽星為椽槍梁武帝孝思賦彼含識而異見同有

而殊形高允貞婦冰結憤鍾心甘就幽真而殊形高允貞婦冰結憤鍾心甘就幽真

切參上聲攬初切切插切參上聲攬初切切插

平聲捨音撐與攬槍同若思郭本作叅列雄藩各當

重寄遵奉王繆本命大舉天兵照海色於旌旗肅軍

威於原野而洪濤渤潏狂飈振驚北史宿當重寄早

卷註渤潏水沸湧貌見二惟神使陽侯卷波羲和奉

十二卷註狂飈狂暴之風

命樓船先濟士馬無虞掃妖孽於幽燕斬鯨鯢於河

洛惟神佑我降休於民敬陳精誠庶垂歆饗高誘淮

陽侯陵陽國侯也溺死於水其神能為大波有所傷陽侯陵陽國侯也溺死於水其神能為大波有所傷

害因謂之陽侯之波也羲和日御也與江水無涉害因謂之陽侯之波也羲和日御也與江水無涉

誤樓船見四卷註鯨鯢見誤樓船見四卷註鯨鯢見

八卷註說文歆神食氣也

李太白文集 卷二十九

李太白文集卷之二十九終

